

جريدہ عدلیہ

آٹھویں سنہ

۲۴ شوال ۱۳۴۳ ۲۰ اگست ۱۳۴۱

نمبر ۱۳۸

پنجشنبہ

قائمہ سنیہ

نوبہات عدلیہ

دیار بکر مرکز بدایت محکمہ سی حقوق دائرہ سی رئیس عثمان رمزی افندینک تقاعدہ سوقیہ یرینہ وان
حقوق رئیس محمد توفیق و بغداد مرکز بدایت محکمہ سی مدعی عمومیسسی حمداہ رأفت افندینک ترک مأموریت
ایتسنہ مبنی مستعفی عدیلہ یرینہ حوزان بدایت محکمہ سی رئیس محمد توفیق و حوزان بدایت محکمہ سی ریاستہ
عجلون بدایت محکمہ سی رئیس محمد امین و دیوانیہ بدایت محکمہ سی ریاستہ تحویل اولنان محمد شکری افندینک
محل مأموریتہ عزبت ایتامسنہ مبنی مستعفی عدیلہ یرینہ لوای مذکور بدایت محکمہ سی مدعی عمومیسسی محمد علی
و دیوانیہ بدایت محکمہ سی مدعی عمومیلکنہ متفک بدایت حاکم معاونی نجیب و سیواس استیفاف محکمہ سی
اعضاسندن حسین حسنی افندینک سن مجبوری تقاعدہ وصولہ مبنی یرینہ قیصری بدایت محکمہ سی جزا رئیس علی
رضا و قیصری بدایت محکمہ سی جزا ریاستہ آلاشہر لووا بدایت محکمہ سی مدعی عمومیسسی علی رضا و آلاشہر لووا
بدایت محکمہ سی مدعی عمومیلکنہ کلیولی بدایت حاکم معاونی احمد نابی و اینوز بدایت حاکمالکنہ معلقہ بدایت
حاکم معاونی محمد عارف و بقاع العزیز بدایت محکمہ سی ریاستہ قدس شریف بدایت محکمہ سی اعضاسندن
عبدالغنی و سورمنہ بدایت محکمہ سی مدعی عمومیسسی عبداللہ فیضی افندینک تحویل مأموریت ایتسنہ مبنی
یرینہ خوبہ بدایت محکمہ سی مدعی عمومیسسی مصطفی و نجف اشرف بدایت محکمہ سی مدعی عمومیلکنہ
بصرہ استیفاف محکمہ سی اعضا ملازمی احمد فائق و قیر شہری بدایت محکمہ سی اعضاسندن حکمت افندینک

بلا مأذونیت ترك وظیفه ایتمسندن ناشی مستعفی عدلیہ یرینه کنج بدایت محکمہ سی اعضا لغندن مستعفی توفیق الہامی و دیار بکر بدایت محکمہ سی اعضا سندن یوسف ضیا افندینک تقاعدہ سوقیلہ یرینه غزران بدایت محکمہ سی رئیس اسماعیل حق و کنج بدایت محکمہ سی اعضا لغنه تعین اولتان خرستو افندینک مستعفی عدلیہ یرینه حکاری بدایت محکمہ سی اعضا سندن محمد انوری وایز میت بدایت محکمہ سی اعضا سندن آندون افندینک عزلیلہ یرینه سورد بدایت محکمہ سی اعضا سندن خلیل نظمی و خراسان لوا بدایت محکمہ سی اعضا سندن نوری افندینک وقوع استعفا سہ مبنی یرینه بصرہ بدایت مستطقی مکتب حقوقدن مأذون محمد شفیق و آیدین ولایتی مرکز بدایت محکمہ سی سرمستقلکنہ اورلہ مدعی عمومی مصطفی حامی و بتلس بدایت محکمہ سی اعضا ملازمی مصطفی کمال افندینک وفاتہ مبنی یرینه وان بدایت محکمہ سی اعضا ملازمی محمد جمال و بولی بدایت محکمہ سی اعضا ملازملرندن طلعت افندینک تقاعدہ سوقیلہ یرینه وان صلح محکمہ سی باش کابی مکتب حقوقدن مأذون محرم و طرسوس بدایت محکمہ سی مستطقی علی رضا افندینک مستعفی عدلیہ یرینه اربیل بدایت محکمہ سی مستطقلکنندن مستعفی علی کمال و اوف بدایت محکمہ سی مستطقلکنہ علاوہ تعین اولتان عمر صدق افندینک مستعفی عدلیہ یرینه کوشخانه مستطقی سابق محمد حلمی و سیلوان بدایت محکمہ سی مستطقی حسین حسنی افندینک عزلیلہ یرینه پالو بدایت محکمہ سی مستطقی محمد نصرت و پالو بدایت محکمہ سی مستطقلکنہ نصیبین مستطقی علی جمال و نصیبین بدایت محکمہ سی مستطقلکنہ قلب مستطقی سابق قاسم افندیلر نقل و تعین قلمش و اسکیشہر بدایت محکمہ سی مستطقی محمد انوری افندی ایله دینار بدایت محکمہ سی مستطقی شکری افندیلرک بجایشلری اجرا و عکابدایت محکمہ سی مستطقی احمد دریان افندی تقاعدہ سوق اولمشدر .

بوارادہ سنیہ نک اجراسنہ عدلیہ ناظری مأمورد .

۲۹ شوال ۱۳۳۳ و ۲۷ اغستوس ۱۳۳۱

محمد رشاد

عدلیہ ناظری صدر اعظم
ابراہیم محمد سعید

قوانین و نظامات

اجنبی آنونیم و سرمایہ سی اسہامہ منقسم شرکتلر ایله اجنبی سیغورطہ شرکتلری حقندہ ۳۰ تشرین ثانی ۱۳۳۰ تاریخلی قانونک یکریمی دردنجی مادہ سنک تعدیلہ و مذکور قانونہ تذیل ایدیلہ جک مادہ یہ دائر قانون صورتیدر :

مادہ : ۱ اجنبی آنونیم سرمایہ سی و اسہامہ منقسم شرکتلر ایله اجنبی سیغورطہ شرکتلرینہ دائر ۳۰ تشرین ثانی ۳۳۰ تاریخلی قانونک یکریمی دردنجی مادہ سی بروجہ آتی تعدیل ایدلمشدر .

سیغورطہ پولیچہ لرینہ درج ایدیلہ جک بالجلہ شرائط آداب و انتظام عمومی یی محل و قانوناً ممنوع اولدقلری حالہ مرعی و معتبر اولہ جقدرد .

مادہ : ۲ قانون مذکورہ مادہ آتیہ تذیل ایدلمشدر .

برنجی مادہ دہ مندرج معاملات قانونیہ توسل ایچون ایکنجی مادہ دہ محرر ایکی آی ظرفندہ مراجعت ایدوبده احوال حاضرہ دولایسیلہ مذکور ایکنجی مادہ یہ توفیقاً آتی آی ظرفندہ معاملات لازمیہ سی بتیرہ مدکلری ایچون بیاننامہ اخذ ایدمین و شوقدرکہ اشوقانونک تاریخ نشرینہ قدر برنجی و اون سکزنجی مادہ لردہ مذکور اوراق و تأمینات لازمیہ یی اعطا ایلش اولان اجنبی شرکتلرک قید و تسجیلی ایله کندیلرندن دردنجی و اون یدنجی مادہ لردہ مندرج خرج و مصارف تفتیشیہ نک اخذ و جابایتہ تجارت نظارتی مأذوندرد .

مادہ : ۳ بوقانون تاریخ نشرندن معتبردر .

مادہ : ۴ اشبو قانونک اجراسنہ داخلہ و عدلیہ و تجارت و زراعت ناظرلری مأموردرد .

مجلس عمومی نک اجتماعندہ قانونیتی تکلیف اولنق اوزرہ اشبولایمہ نک موقتاً موقع مرعیتہ وضعی و قوانین دولتہ علاوہ سنی ارادہ ایلدم

محمد رشاد

تجارت و زراعت ناظری وکیل احمد شکری
عدلیہ ناظری ابراہیم
داخلیہ ناظری طلعت
صدر اعظم محمد سعید

ادارۀ عرفيه قرارنامه سي موجبجہ محاکمہ سي ديوان حربلرہ محول جرائمک هيئت تحقيقيه بولميان محللرہ صورت تحقيقي حقندہ قانون صورتيدر :

مادہ : ١ ادارۀ عرفيه قرارنامه سي موجبجہ محاکمہ سي ديوان حربلرہ محول جرائم حقندہ هيئت مخصوصۀ تحقيقيه بولميان محللرہ اشبو هيئتک وظيفه سي عدليه مستطقلري طرفدن اجرا اولنه جقدر .

مادہ : ٢ اشبو قانون تاريخ نشرندن معتبردر .

مادہ : ٣ اشبو قانونک اجراسنہ حربيه وعدليه ناظرلري مأمورددر .

مجلس عمومينک اجتماعندہ قانونيتي تکليف اولمق اوزرہ اشبولايحہ قانونيه نك موقاً موقع مرعيتہ وضعي وقوانين دولته علاوہ سني ارادہ ايلدم

نہد رشتہ

صدر اعظم
محمد سعيد

حربيه ناظرى
انور

عدليه ناظرى
ابراهيم

تبلغات عہدہ

عہدہ نظارت مہديہ سندہ بالعموم استيناف مدعي عموميلکربہ ١ اغستوس ٣٣١ تاريخندہ تبليغ اولنارہ
تحريرات عموميه صورتيدر :

«مصارف محاکمہ وسائرہ نك امر تحصيلک مجازات جسمانيہ اجراسنہ تعليق ابدلامسنہ دائرہ»

اعلامات جزائيہ نك مدعي عموميلکربہ توديعي متعاقب مصارف محاکمہ وسائرہ نك امر تحصيلي خصوصنک مجازات جسمانيہ نك انفاذينہ تعليق ايدلسي اکثر احوالہ محل تحصيلک الدہ ايديلہ مامسنی وحقوق خزينہ نك ضياعني موجب اولديني بعض محللردن واقع اولان اشعاردن اكلاشلمش واعلامات مذکورہ نك توديعي متعاقب مصارف محاکمہ وسائرہ نك امر تحصيلي مجازات جسمانيہ نك اجراسنہ تعليق اولنيمہ رق مصارف مزبورہ نك برقطه دفترينک درحال مأمورين ماليہ توديع واعطاسي امر تحصيلاتدہ وقوعه کلن مشکلاتي برطرف ايدرك مافع خزينہ نك محفوظيتني تأمين ايتكلہ برابر کسب قطعيت ايدرك لازم الاجرا برحالہ کلش اولان اعلاماتک احکام مندرجہ سنک سرعت تطبيق وايفاسي نقطه سندن دخی مقصد قانونه موافق اوله جني جہتلہ بو صورتک اصول اتخاذي تنسيب ايدلمش اولغلہ بعدما بو وجہلہ معاملہ ايفا اولمق اوزرہ دائرہ مأموريتلري داخلندہ کی محاکمہ ودوائرہ لاجل التوزيع اشبو تحريراتک نسخ مطبوعہ کافيه سي لفأ ارسال قلندی .

محکمہ نميز مقرراتي

محکمہ نميز مقرراتي

محکمہ نميز مقرراتي دائرہ سندہ صادر اولارہ ٤ سباط ٣٣٠ تاريخي ١٥١٦ نومزدلو اعلام صورتيدر :

« رئيس اجرا صفتيلہ محکمہ رئيسي طرفندن وريلہ جک قرار اوزرينہ وضع اولنان جزمرورزمانی قاطعدر . »
قونيه ولايتي ماليہ خزينہ سيلہ بکشری قضاسي اهاليستندن جلب زاده علي رضا افندي ميانه سنده متکون دعوايه دائر قونيه استيناف محکمہ سندن ١٤ تشرين اول ٣٣٨ تاريخي ويکرمي عدديه ويريلوب محلي خزينہ وکيلي طرفندن تميزاً تدقيقي استدعا قلنان اعلام باش مدعي عموميلک مأموريت عاليہ سنک مطالعہ نامہ سي آلدقندن صکرہ طرفينک اعتراض وجواب لايحہ لريلہ برابر بالمطالعہ تدقيقات تميزيہ اجراسنہ ابتدار قلندی .

اعلام مذکور مندرجائسہ نظراً : خزينہ مشاراليہانک قضاء مذکورہ تابع قرای معلومہ نك اوچ يوز درت سنہ سي اعشاري بدلندن ملتزم حسين افندي ذمندہ آلاجنی بولنان اوتوز بر بيک کسور غروشک ملتزم مومي اليه کفيل بولنان مومي اليه علي رضا افنديدن تحصيلانہ وکفيل مومي اليه کمال موال معلومہ سنہ موضوع حجزک تدقيقہ دائر قضاء مزبور بدايت محکمہ سندن صادر اولان اعلام حکمنہ مومي اليه علي رضا افندينک عدم قعاتيلہ استيناف دعوايه بالقيام کندوسنک ملتزم مومي اليه بر کونہ کفالتي اولماديني کي تاريخ کفالت اولان اوچ يوز درت سنہ سندن حجزک وضعي اولان اوچ يوز يکرمي ايکي تاريخنہ قدر آرہدن اون سکز سنہ مرور ايتش اولديغندن بحثلہ اعلام ابتدائي مذکورک فسخي وحجز موضوع فکني طلب ودعوي ومستأنف عليہ خزينہ وکيلي دخی کفيل مومي اليه اوچ يوز اون آلتی سنہ سنده اموالہ حجز وضع اولنہ رق تعقيبات اجرا ايدلمش اولديغني بيان وادعا ومحلي مقاولات محررلکنک بوکا دائر بر قيدي ابراز واعطا ايللري اوزرينہ محکمہ استينافيه جہ مدعي عمومی حضوريلہ اعلام مستأنف بهک بالتدقيق بعض اسباب قانونيه ببناء فسخي قرارکير اولدقندن صکرہ جريان ايدن محاکمہ وتدقيقات نتيجه سنده حجزک اوچ يوز اون آلتی سنہ سنده وقوعني مستأنف مومي اليه انکار ايتش ومستأنف عليہ خزينہ وکيلي طرفندن مستأنف مومي اليه حجزنامہ تبليغ اولنديغنه دائر اصولاً بر علم وخبر ابراز اولنہ مامش وحضور حاکمہ دعوي وقوعبولمادجہ يالکز حجز وضعي دخی مرور زمانی قطع ايدميه جکي درکار بولنش وشو صورتلہ کفالت تاريخي اولمق اوزرہ ادعا اولنان اوچ يوز درت سنہ سندن حجز واقع سيلہ دعواي واقعہ تاريخي اولان اوچ يوز يکرمي ايکي سنہ سنده قدر آرہدن اون سکز سنہ مدت مروري حصيلہ مسئلہ دہ مرور زمان واقع اولديني

آکلاشلش اولغله مستأنف علیه خزینة مشارالیهانک مستأنف مومی الیه علی رضا افندی به قارشو معارضه سنک منعه و حجز موضوعک فکنه حکم و قرار ویرلدیکی آکلاشلشدر .

مستدعی تمیز طرفدن ویریلان لایحهده تاریخ کفالت اولان اوچ یوز درت تاریخدن اوچ یوز اون آلتی تاریخنه قدر آرده مرور زمان اولمادیغی حالده بو جهته نظر دقته انامسی یولسر اولدیغندن و افادات سائردهن بخله اعلامک نقضی و لایحه جوابیهده دخی اعلام مذکورک تصدیق طلب واستدا ایدلش و مطالعه نامه مفادی ایسه مومی الیه علی رضا افندی عندالحا که کفالتنی انکار ایله برابر مرور زمان ادعاسنده بولنش اولسنه کوره مومی الیهک حجت مثبتة اولمق اوزره درمیان ایلدیکی مرور زمان ادعاسی قانوناً شایان تدقیق اولماق اعتباریله محکمهجه یا لکیز کفالت حقنده محاکمه و تدقیقات اجراسیله تین ایدجک حاله کوره قرار اعطاسی مقتضی ایکن حجت مثبتة صورتنده سرد ایدیلان مرور زمان ادعاسنک تدقیقه برمنوال محرر قرار ویرلمسی مغایر قانون اولدیغی بیاندن عبارت بولنشدر .

ایجاب کیفیت مذاکره اولندقدده محکمه مذکورجه هر نه قدر مرور زمان وقوعندن بخله خزینة نک منع معارضه سیله حجز موضوعک فکنه قرار ویرلمش ایسهده رئیس اجرا صفتیله محکمه رئیس طرفدن ویریهجک قرار اوزرینه وضع اولنان حجزک مرور زمانی قاطع اولهجنی امر آشکار اولدیغندن محکمهجه اصول مذکوریه توفیقاً حجز واقع اولوب اولمادیغی بالتحقیق نتیجه حاصلیه کوره قرار ویرلمک لازم کلور ایکن بو جهت تأمل ایدلمکسزین مرور زمان وقوعنه بناءً منع معارضهیه قرار ویرلمسی مخالف قانون اولدیغندن اصول محاکمه حقوقیه قانوننک ایکی یوز قرق برنجی مادهسی موجبجه اعلام مذکورک نقضیه قانون مزبورک ایکی یوز قرق دردنجی مادهسی حکمنه توفیقاً کیفیتک وجه مشروح دائره سنده بالرؤیه اعلامه ربطی ضمتنده محکمه مذکوریه اعاده سنه وزیرده مفرداتی و معطیسی محرر مصارف تمیزیله نک ایلروده حقسز چیقه جق طرفه عائد اولسنه ۳۰ حزیران ۳۳۰ تاریخنده متفقاً قرار ویرلدی .

محکمہ تمیز حقوق دائره سنده صادر اولان ۱۷ شباط ۳۳۰ تاریخلی ۱۵۶۱ نومردی اعلام صورتحدر .

« عقار دعواسنده مدعابه محلی مدعی علیه فلان و مدعی فلان تاریخده عین شخصدن تلقی ملک ایتدکلرینی ادعا ایله مه لرینه کوره اوله هانکی طرفک بینهسی مرجع اولدیغنه قرار ویرلمک لازمدر . »

اطنه نک قوری کویری محله سنده مقیمه انصوبنت خره لم ایله دوشمه زقاعنده باقرچی عوادیکیان آرتین بیننده متحدث دعوايه دائر آطنه ولایتی استیناف محکمه سندن ۲۵ مایس ۳۳۰ تاریخی و سکسان بش عددی ایله ویریلوب مزبورہ انصو قادین طرفندن تمیزاً تدقیق استدعا قلنان اعلام یا لکیز مستدعیه نک اعتراض لایحه سیله بالمطالعه تدقیقات تمیزیله اجراسنه ابتدار قلندی .

اعلام مذکور مندرجانه نظرآ مزبورہ انصو قادینک باسند خاقانی متصرفه اولدیغی محله مزبورده کائن معلوم الحدود درتیوز یتش زراع بر قطعه عرصه سنک بر قسمنه مرقوم ارتین طرفندن بالتجاوز ابنیه انشا ایتک صورتیله وقوعبولان مداخله نک منعی و ابنیه نک هدمی حقنده اطنه بدایت محکمه سنه مراجعتله اقامه ایلدیکی دعوايه قارشو مدعی علیه آرتین دخی کندوسی مدعابه عرصهیه برکونه تجاوز ایتدیکی کبی باسند خاقانی متصرف اولدیغندن مدعیه نک رد ادعاسنی طلب و درمیان و مذکور عرصه نک صورت تصرفنی ناطق ایکی قطعه طابو سندی ابراز واعطا ایتسی اوزرینه جریان ایدن محاکمه و کشف و تدقیقات نتیجه سنده مدعیه نک ابراز ایلدیکی سند خاقانیده محرر حدود منازع فیه اولان عرصه حدودینه مطابق اولمادیغی کشفاً آکلاشلش اولسنه و مدعی علیه ایله مدعیه عین شخصدن تلقی ملک ادعا ایتدکلرینه و مدعیه نک تاریخ اشتراسی اوچوز اون و مدعی علیه اوچوز طقوز سنه لری اولدیغی مبرز طابو سند لريله ثابت اولدیغنه بناءً بخله نک بیک التیوز ایکنجی مادهسی موجبجه دعوايه واقعہ نک ردینه دائر محکمه مذکوردهن صادر اولان اعلامک عندالاستیناف تصدیقه قرار ویرلدیکی آکلاشلشدر .

مستدعی تمیزک اعطا ایلدیکی لایحه اعتراضیهده بومقوله عقار دعوالرنده دی ایدلکک بالینه ثابت اولمسی مقتضی ایکن بو جهت نظر دقته انامسی یولسر و مغایر قانون اولدیغندن و افادات سائردهن بخله اعلام مذکورک نقضی طلب واستدا اولنشدر .

ایجابی مذاکره اولندقدده اعلام مذکورک مطالعه سندن مستبان اولدیغی اوزره دعوايه واقعہ عقاره متعلق اولدیغی جهته بخله نک بیک یدی یوز الی التنجی مادهسی موجبجه اول امرده ذی ایدلکک بالینه اثبات ایتدیرلکد انصکره مدعی به محلی مدعی علیه اوچوز طقوز تاریخنده و مدعیه اوچوز اون تاریخنده هرایکیسی علی نام کیمنه دن تلقی ملک ایتدکلرینی ادعا ایلمکده اولدقلرندن محکمهجه اول امرده هانکی طرفک بینهسی مرجع اولدیغنه قرار ویدلمک و حدود منازع فیه شهود طرفندن اصولی دائره سنده اراؤه ایدلمک اقتضا ایتدیکی حالده استیناف محکمه سنجه ذی ایدلکک بالینه اثباتنه قرار ویریلوب مدعی علیه ارتین طرفندن اقامه اولنان شاهدلر مرقومک عقار مدعابه ذی الید اولدقلرینی خبر ویرمشلر ایسهده شهود مرقومه نک سرآ و علناً تزکیه لرینک اجراسی مقتضی بولنش ایکن شاهدلرک افاده لرینک واقعہ مطابق اولدیغی مدعیه و کیلی طرفندن بیان اولنسی اوزرینه محکمهجه تزکیه لرندن صرف نظر اولنه رق محل منازع فیهک سند خاقانیده کوستریلان حدودیله حدود اصلیه سنک تطبیق ضمتنده کشفه قرار ویریلوب اولبابده محلندن استماع اولنان اهل خبره طرفندن منازع فیه محاکم انصونک حدودی داخلنده اولدیغنه دائر اعطای معلومات ایده مامش اولدقلرندن بخله مزبورہ نک دعواسنک ردینه دائر بدایه صادر اولان قرارک استیناف محکمه سنجه تصدیق جهته کیدلمسی مخالف قانون اولدیغندن اصول محاکمه حقوقیه قانوننک ایکوز اتوز ایکنجی و ایکوز قرق برنجی ماده لری احکامنه توفیقاً اعلام مذکورک نقضیه قانون مزبورک ایکوز قرق دردنجی مادهسی موجبجه کیفیتک تکرار

بالرؤية اعلامه ربطى ضمننده محكمه مذ كوره به اعاده سنه ومستدعيه نك فقر حاله مبنى اشبو اعلامك تميز رسمندن عو وورقه مخصوصه دن استئسانسه وماعدا مصارف تميزيه دن تأجيل ايديلان قسمى ايله استيفا قلنان قسمك مفردات ومعطيسي كوسترلمش اولديغندن بونلك ايلروده حقسنر چيقه جق طرفه عائد اولمسنه ١٦ تموز ٣٣٠ تاريخنده متفقاً قرار ويرلدى .

محكمه تميز حقوق دائره سنده صادر اولوب ١٨ صبرانه ٣٣١ تاريخنده قراره ربط اولنان اعلام صورتيه :

« اراضى دعواسنده مستأنف عليهم طرفلرندن ابراز اولنان اوراق مستأنفك ابراز ابتدئى حجتلر ابطال ايدى جك ماهيته بولنه مدنى مطالعه سيله وصايت ووكلات جهتلرينك قانون دائره سنده اثبات ايدلكمزين مستأنف عليهمك منع مداخله لرينه قرار ويرلسى مغاير قانوندر . »

قلعه جك قصبه سنده مقيمون حاجى امين زاده حسنى وحاجى امين صالح سري ورفيقه خانم ايله انقرده مقيمه ميرلوا احمد پاشا كريمه سى ومركز قوماندانى جمال بكك حليله سى فاطمه سنيحه خانم بيننده متكون دعوايه دائر انقره استيناف محكمه سندن ١٩ تموز سنه ٣٣٠ تاريخى واون ايكي عددى ايله ويريلوب مومى اليهم صلح سري ورفيقه خانم واخيراً وفات ايدن حاجى امين ورثه سنه وصايت وقرندن اصالة حسنى افندى طرفندن تميزاً تدقيق استدعا قلنان اعلام طرفينك اعتراض وجواب لايحه لريله برابر بالمطالعه تدقيقات تميزيه اجراسنه ابتدار قلندى .

اعلام مذ كور مندرجاته كوره : مومى اليهم حاجى امين وحسنى وسري افنديلر ايله رفيقه خانمك مورثلى حاجى امين آغادن كنديلرينه انتقال ايدن بالا قضاسنك قوربنه قريه سنده كائن وقوف نام چقتلكك نصف حصه سنه پدرى احمد پاشادن انتقالاً متصرف اولدينى ادعاسيله مزبور سنيحه خانم مداخله ايلمكده اولديغندن وحابلوكه نصف مذ كورى مورثلى متوفانك قرتال اوغللرندن تفرغ ايدى كندولرينه انتقال ايلديكندن بحثله مداخله واقعه نك معنى ورثه مرقومه دن اولوب ديكرلرينك ده وكيلى بولنان سري افندى قضاء مذ كور بدایت محكمه سنه باعرض حال مراجعتله طلب ودعوى ومدعى عليها سنيحه خانم وكيلى ده موكله سى مدعى به چقتلكك تمامه انتقالاً مرور زمان حدينه بالغ اولان مدتدنبرو تصرف ايلمكده اولديغندن مدعيلرك در ادعائى افاده وانبا ايللى اوزرينه طابو اداره سنده كيفيت استعلام اولندقدن ومحل منازع فيهمك كشفى اجرا قلندقدن صكره جريان ايدن محاكمه وتدقيقات نتيجه سندن مدعيلرك اولبايده كى اقرارى وجهله مذ كور چقتلكك نصفى مدعى عليها عهده سنده ايسه ده نصف ديكرى مزبوره نك اسباب تصرفدن هيچ برينه استناد ايتدير مكسزين مجرد قريه دن اخذ ايلديكى برقطعه علم وخبرله عهده سنه انتقال ايتديرديكى تذكره جوابيه دن منفهم اولمغله برابر نصف مذ كور اوزرنده مدعيلرك جهت تصرفلى كشف رابورى وحجت شرعيه وتقسيم

بوصله سى واهل وقوفك اخباراتى كى بينه قانونيه يقارن بولمسنه بناءً مدعى عليهمك مورثنك آخردن تفرغ ايلديكى اللى درت قطعه اراضى مستئنا اولمق اوزره مذ كور چقتلكك نصف حصه سنه وقوعبولان مداخله سنك منعه دائر صادر اولان اعلام عليهمده مزبوره سنيحه خانم طرفندن استيناف دعوى اولمسى اوزرينه محكمه استينافيه جه مستأنف وكيلىك محكمه به ورود ايلماسى جهته غيبنده تدقيقات استينافيه وكشف اجرا قلندقدن صكره مذ كور چقتلكك نصفى متوفى مزبور احمد پاشانك مدعيلرك مورثندن تفرغ ايلديكى بدایت ثابت اولوب آنجق نصف ديكرينك مدعيلرك مورثه عائد بولندينى مبرز وثائق قانونيه وكشف ايله تبين ايتسنه مبنى مستأنفك قسم مذ كور اوزرنده كى تصرف ادعاسنك رديله اعلام ابتدائى مذ كورك تماماً تصديقه دائر ويريلان اعلامك تميزاً بالتدقيق مدعيلر جانبندن ابراز ايديلان حجت شرعيه نك ماهيتى حقنده تدقيقات اجرا ومدعيلرك ثبوت مدعاسنه مدار اوله جق قيد رسمى بولنوب بولماديقنك تدقيق ايدلام سندن واسباب سائرده دن طولاني نقض واعاده اولمسى اوزرينه محكمه مذ كوره جه بتكرار اجرا قلنان محاكمه وتدقيقات استينافيه نتيجه سنده مستأنف وكيلىرى ؛ متوقى حاجى عباد بن حاجى امين آغانك مخدوملرندن حاجى عبداللهك اقدحجه وقوعوفاته مبنى ورثه سندن ديكر مخدومى حاجى مصطفى نفسندن احالة ورثه دن زوجه متروكه سى كلثوم وصليته كييره قزلى كورجى وذليخا وعائشه ورفيقه وامينه ايله صلبى كيير اوغللى حاجى احمد وحاجى امين ناملرينه وكالة وصلى صغير اوغللى صالح سري وحسنى افنديلره دخى وصايت مذ كور نصف چقتلكك املاك وعقاراتى وابنيه سائر سى ليرا يوز غروشدن يكرمى بشيك كسور وارضى بدلى اولان درت بيك كسور غروشه جمعاً درت يوز ليرايه حامل اولدينى وكالت ووصايت واذن حجتلىرى موجبجه موكله لرينك مورثى متوفى مومى اليه احمد پاشايه فراغ ايلديكى مذ كور اوچ قطعه حجت شرعيه مندرجاتندن وبيع واقعك تكملندن صكره دفتر خاقانى به بالمراجع اولبايده سنداستحصال ايلديكى اوراق دعوى مياننده موجود قيود خاقانى متضمن دفتر مندرجاتندن اكلاشيله جنى جهته ادعاى واقعك ردنى طلب ايتسنه قارشو مستأنف عليهم وكيلى كچه مستأنف وكيلى اسباب مدافعه سنى اوچيوز اوچ تاريخى محتوى اولان مذ كور حجتله استينا ايتكمده ايسه ده مذ كور حجتلر ده برحيات كوستريلان حاجى احمد وكورجى نام ديكر ذليخانك مذ كور حجت تاريخلرندن مقدم وفات ايتديكلرى قلعه جك نفوس اداره سيله قضاء مذ كور محكمه شرعيه سندن اولبايده وقوعبولان استعمال وارد اولان جواب وشرحلر مندرجاتى وبوبابده كى قسام دفترى محتوياتندن ومستأنفك قلعه جك محكمه شرعيه سندن استحصال ايتديكى مارالذ كر حجتلك دخى محكمه مذ كوره ده برقىدى اولمادى لى المراجع محكمه مذ كوره نك ظهر استدعاده محرر مشروحانندن اكلاشلمش وبناءً عليه مذ كور حجتلك بطلانى تحقق وتظاهر ايلش اولديغندن منع مداخله سنى مدافعه انبا ايتكمده ايسه ده مستأنفك بالا قضاسى محكمه شرعيه سندن استحصال ايتديكى مذ كور حجج شرعيه نك ساخته ليكى حقنده مستأنف عليه طرفندن بركونا ادا مسبوق اولمايوب آنجق اولبايده ابراز ايلديكلرى وثائق شرعيه واوراق رسميه موجبجه

مذکور حجتلرک حکمسن لکی ادعا اولمش و حالبوکه اوراق مذکورده نك تزویر و تصنیعدن سالم اولان مذکور حجتلر مندرجات و احکامنی ابطال ایده جک ماهیتده کوریه مامش اولسنه مبنی مستأنف علیهمک بوبابده کی ادعایرنک ردیه مذکور حجتلک و مشتملاتی حقنده کی مداخله لرینک منعه حکم و قرار ویرلدیکی اکلشلمشدر. مستدعیلر طرفدن ویریلان لایحه ده: ورتهدن ذلیخانک بیک ایکی یوز طقسان بش و خدیجه کورچینک بیک ایکی یوز طقسان یدی و حاجی احمدک بیک ایکی یوز طقسان طقوز تاریخلرنده یعنی اولبابده ابراز اولنان حجتلر تاریخندن مقدم وفات ایتدکری و بناء علیه اولبابده وکالت و وصایت حجتلرینک حکمسن لکی حقنده عندالاستیناف ابراز ایتدکری و نائق شرعیه و قیود رسمیه نك نظر دفته آلتیه رق بلا اسباب موجبہ ردی جهته کیدلسی مغایر قانون اولدیغندن و اسباب سائردهن بختله اعلامک تقضی و لایحه جوابیه ده دخی غیروارد اولان اعتراضات مذکورده نك ردیه موافق اصول و قانون اولان اعلام مذکورک تصدیق طلب واستدعا اولمشدر.

ایجابی لدی المذاکره اعلام مذکور مآلندن منفعم اولدیغی اوزره اراضی مذکورہ نصف حصه سنک متصرف سابق عبده اغا ورته سنندن سری و حسینک و صیسی و دیگر وارثلری حاجی احمد و حاجی امین و ذلیخا و خدیجه کورچی و عایشه و رفیقہ و امینه نك و کیلی مصطفی آغا طرفندن مستأنفہ سنیحه خانمک مورثی قواقلی احمد پاشایه بیع و فراغ ایدیلوب پاشای مومی الیهک و فاتیله حصه مذکورده نك کریمه سی سنیحه خانمه انتقال ایلدیکی ادعا و اشبو ادعای مثبت اولق اوزره دفتر خاقانی مدیریتندن معطی بر قطعه فراغ و انتقال جدولی ابراز اولمقده ایسه ده مزبور مصطفی آغانک مرقومان سری و حسنی به وصی تعیین قلمش اولدیغی ناطق بر حجت ابراز اولمادیغی و آنجق بوجه صغیران مرقومانه عائد حصه نك بیغ و فراغه حاکم طرفندن اذن ویرلمش اولدیغنه متعلق بولسان حجتک حکایه حال قلمنده مندرج بولندیغی و ورتهدن حاجی احمد و ذلیخا و خدیجه کورچی و عایشه نك مصطفی آغای بیغ و فراغه توکیل ایتمش اولدقلرینه دائر کذلک بر وثیقه ابراز اولمادیغی اعلام مستأنف به مندرجاتیه تحقق ایتمش و دیگر طرفدن مزبوره ذلیخانک تاریخ فراغ اولان بیک اوچیوز اوچ سنه سنندن مقدم یعنی بیک ایکی یوز طقسان بش و خدیجه کورچینک بیک ایکی یوز طقسان یدی و حاجی احمدک بیک ایکی یوز طقسان طقوز تاریخلرنده وفات ایتدکری بر قطعه حجت شرعیه و محکمه شرعیه درکناری و نفوس قیدیه ثابت اولدیغی و مصطفای توکیل ایتدکری با حجت اثبات ایدلمک ایسته نیلان حاجی امین و رفیقہ و امینه دن رفیقہ نك بیک ایکی یوز طقسان بر و امینه نك بیک ایکی یوز طقسان ایکی تاریخنده تولد ایتدکری نفوس قیدیه متین بولندیغی و حاجی امینک آغای مومی الیهی توکیل ایتدیکنی ناطق اولان حجتک دخی قلعہ جک محکمه سننده قیدی بولنه مدینی درمیان قلمش اولمغه منکر اولان وکالت و وصایت جهتلرینک تحقیق صمتنده اراضی مذکورده نك ورته مزبوره وکیل و وصیسی اولدیغی ادعا اولنان مصطفی آغا طرفندن احمد پاشایه فراغی حقنده کی دوسیه ایله اوراق متفرعه سی صورتلرینک جلیله تدقیقات لازمه

بالاجرا حاصل اولان نتیجه کوره بر قرار ویرلمک لازم کلیر ایکن مدعیلرک ساخته کارلق ادعاسنه قیام ایتمکده اولدقلرندن مستأنف علیهم طرفندن ابراز اولنان اوراقلک مستأنفہ طرفندن ابراز ایدیلن حجتلرک احکام و مندرجاتی ابطال ایده جک ماهیتده کوریه مدیکندن بختله وصایت و وکالت جهتلری قانون دائره سنده اثبات ایدلمکسنین مستأنف علیهمک منع مداخله لرینه قرار ویرلمسی مغایر قانون اولدیغندن اصول محاکمه حقوقیه قانونک ایکیوز اوتوز ایکنجی ماده سی موجبجه اعلام مذکورک تقضیه ایکیوز قرق دردنجی ماده سی حکمنه توقیفاً کیفیتک بالرؤیه اعلامه ربطی ضمنتده محکمه مذکورده اعاده سنه وزیرده مفردات و معطیسی محرر مصارف تمیزیه نك ایلروده حقسنر چیقاجق طرفه عائد اولسنه ۱۸ حزیران سنه ۳۳۱ تاریخنده بالاتفاق قرار ویرلدی

محکمہ استیناف ابرازیه مغایرانی

محکمہ تمیز استیناف ابرازیه سننده صادر اولوب ۲۸ حزیرانه ۳۳۱ تاریخنده قراره ربط اولنان اعلام صوریندر:

« حق شخصی بیده تضمن ایدن حقوق عمومیہ دعوالرینی مدعی شخصی لک استیناف ایتمک صلاحیتی واردر . »

بغداد ولایتی استیناف محکمه سی جزا دائره سنندن تنظیم و اعطا قلنان ۲۵ کانون ثانی ۳۳۰ تاریخ و اوچیوز سکسان طقوز نومرولی اعلامک تمیزاً تدقیقی مستدعی محلی مالیه خزینه سی جانبندن معطی استدعا نامه ایله وراق متفرعه سی باش مدعی عمومیلک مأموریت علیه سنندن با تبلیغنامه محکمه تمیز استدعا دائره سنه تودیع اولمش ولدی التدقیق مذکور استدعا نامه نك مدت قانونیه سی طرفنده اعطا قلندیغی اکلشلمش اولدیغندن بالقبول تدقیقات تمیزیه اجراسنه ابتدار ایدلدی .

اعلام مذکورک خلاصه مالی کربلا ده یوسفیه و بلبل باغاتنک شتوی تخمیناتنده تراضی و سوء استعمال ایتدکری ادعاسیله مظنون علیهم اولان تخمین ناظری مصطفی اقدی ایله تخمین مأموری منلا جوادک برائتلرینه و مخن حاجی جاسم و مهدینک عدم مسؤلیرینه دائر بدایه لاحق اولان حکمک لواء مذکور محاسبه جیلیکی طرفندن استیناف اولنسی اوزرینه سبق ایدن تدقیقات نتیجه سننده لایحه استینافیه ده ضیاعه اوغرا دیلان حقوق خزینه نك نه دن عبارت ایدوکی تعیین ایدلمیه رک موهوم بر اقلش اولسنه و بوکی برائته متعلق حقوق عمومیہ دعوالرینک متضررلر طرفندن استینافاً رؤیتی طلبه صلاحیتدار بولنامش و ذاناً حکم لاحق حقوق عمومیہ نامه استیناف ایدلماش اولسنه بناء مندرجات اعلامه نظراً مذکور لایحه ده درمیان اولنان اعتراضات غیر وارد کورلدیکی بیانیه حکم ابتدائی مذکورک تصدیقه قرار ویرلدیکنی متضمندر .

لایحه تمیزیده مدعی شخصیلرک یالکز حقوق شخصیه لرینه تماس ایدن نقاطدن طولانی حق استینافلری اصول محاکمات جزائییه قانوننک ماده مخصوصه سی اقتضاسندن بولنمش ایکن محکمه استینافیه جه کرک بوراسی و کرک اعتراضات استینافیه نظر دفته التمسین برمنوال محرر اتخاذ قرار اولنسی مغایر اصول و قانون ایدو کندن بحثله اعلام استینافینک تقضی استدعا قلندیگی کبی تبلیغامده دخی اصول مذکورک ماده مخصوصه سی موجبجه مدعی شخصیلرک حقوق شخصیه لری نقطه سندن طرق قانونیه به مراجعتیه صلاحیتلری بولندیگی آسکارو محکمه استینافک درجه ثانییه بونقطه دن تدقیقات اجراسیله فعل مدعاهک ثبوتی تقدیرنده یالکز حق شخصی نقطه سندن اعطای قراره مجبوریتی بدیدار ایکن محکمه مذکوره جه خزینیه نک اصولاً مدعی شخصی صفتی اکتساب ایدوب ایتمدیکی حقنده تدقیقات لازمه ایفا اولنمکسین سالف الیمان مطالعته نک عکسنه ملابس اسباب موجب درمیان الیمی و حکم ابتدائییه قارشو سرد ایدیلن اسباب استینافیه حقنده برکونا مطالعات قانونیه ذکر و اتیان الیکسین اعلام ابتدائینک تصدیقه فرار ویرلسی مخالف قانون اولدیگی بیانیله اعلام مذکورک تقضی طلب اولنمشدر .

ایجاب کیفیت لدی المذاکره مندرجات اعلامدن منفهم اولدیگی اوزره محکمه استینافیه جه مظنون علیهمک برائت وعدم مسئولیتلرینه متدائر اولان حکم ابتدائی علینده دعوی استینافیه قیام ایدن خزینیه جلیله جانبندن اقامه ایدیلن استیناف دعواسنک سبق ایدن تدقیقاتی نتیجه سنده برائته متعلق حقوق عمومیه دعوالرینی متضررلرک استیناف صلاحیتلری اولدیگی و اساساً دعوی استینافیه حقوق عمومیه مأمورینک اشتراک ایتمدیکی بیانیله بروجیه محرر اتخاذ قرار اولنمش ایسه ده حق شخصی متضمن بولان حقوق عمومیه دعوالرینی مدعی شخصیلرکده استینافیه حق و صلاحیتلری بولندیگنه مبنی خزینیه نک دعوی حاضرده مدعی شخصی صفتی اکتساب ایدوب ایتمدیکی بالتدقیق شو صفتی حائر اولدیگی تقدیرده بروجیه محرر حق استینافی بولان خزینیه مشارالیهانک اعتراضات واقعیه سی صور محرره دائره سنده محاکمه و تدقیق و ایجاب قانونیه توفیقاً قراره ربط اولنق ایجاب ایدرکن بوندن بالذهل اصول مرعیه و اقوانین موضوعه ایله قابل تألیف اولیمان مطالعات مسرودهیه استناداً برمنوال مشروح قرار اعطاسی یولسز و مغایر قانون اولغله اصول محاکمات جزائییه قانوننک اوچیوز اون دردنجی و اوچیوز اون طقوزنجی ماده لری منطوقنجه اعلام میز بهک تقضیله احکام قانونیه دائره سنده ایفای معامله اولنق اوزره اوراق دعوانک محله اعاده سنه و ایکیوز غروش اعلام خرجنک تعرفه و تعلیمات مخصوصه سی موجبجه ایلروده حقسز حقیقه جق طرفک استیفاسنه ۲۸ حیزران ۳۳۱ تاریخنده متفقاً قرار ویرلدی .

محکم تمیز استماعاً دائره سنده صادر اولوب ۲۰ تموز ۳۳۱ تاریخنده قراره ربط اولنانه اعلام صوریندر : « سرقت دعواسنده عندالحاکمه استماع اولنان شاهدلرک شهادتلری مظنون علیهمک مال مدعاهکی سرقت ایتمدیکی حقنده اخباری متضمن اولماسنه و انجیق شاهدلردن برینک مظنون طرفندن سویله ن بر سوزی خبر ویرمش اولسنه نظراً بونقطه دن توسیع تدقیقات لازمدر . »

قسطمونی ولایتی مرکز بدایت محکمه سی جزا دائره سندن استینافاً تنظیم واعطا قانان ۲۷ کانون ثانی ۳۳۰ تاریخ و طقوز یوز طقسان سکر نومرولی اعلامک تمیزاً تدقیقی طلبی حاوی محکمه مذکوره مدعی عمومیلکی جانبندن معطی استدعایله ایه اوراق متفرعه سی باش مدعی عمومیلک مأموریت علیهمک بونقطه محکمه تمیز استدعا دائره سنه تودیع اولنمش ولدی التدقیق مذکور استدعایله نک مدت قانونیه سی طرفنده اعطا قلندیگی اکلشلمش اولدیگندن بالقبول تدقیقات تمیزیه اجراسنه ابتدار ایدلدی .

اعلام مذکورک خلاصه مالی احمدک بر عدد طاوقنی سرقت و محمد علییه اطاله لسان ایلدیکی ادعاسیله مظنون علیه اولان خلیل بشه اوغلی خلیل بن محمدک تحدید جزاسنه دائر بدایت لاحق اولان حکمک عند لاستیناف مسروقک اشیای خسیسه دن اولدیگی و اسباب مشدده نک درجه سی نظر دفته التمامش اولسی نقطه سندن فسخیله مظنون مرقومک اطاله لسان فعلنک سبب شدت عدیله اون بش کون حبسنه و بش غروش تضمینات ایله محکومیتیه قرار ویرلدیکنی متضمندر .

لایحه تمیزیده شهود مستمعته نک شهادت و اقامه لرینه نظراً مظنون مرقومک فعل سرقتیه مجاسرتیه دائر برکونا اجاراتده بولندقلری حالده محکمه استینافیه جه بوراسی نظر دفته التمسین بروجیه محرر اتخاذ قرار اولنسی مخالف اصول و قانون ایدو کندن بحثله اعلام استینافینک تقضی استدعا قلندیگی کبی تبلیغامده دخی مظنون مرقومک فعل مدعاهبه مجاسرت ایلدیکنی متضمن اسباب ثبوتیه نندن عبارت ایدوکی بالاطراف کونستریلمکسین بروجیه بالا اتخاذ قرار اولنسی مخالف قانون و لایحه تمیزییه مؤداسی وارد اولدیگی بیانیله اعلام مذکورک تقضی طلب اولنمشدر .

ایجاب کیفیت لدی المذاکره لایحه تمیزیده درمیان ایدلدیکی اوزره عندالحاکمه استماع اولنان شهودک شهاداتی مظنون علیه خلیلک مدعاهبه طاوغنی سرقت ایتمدیکی حقنده بر اخباری متضمن اولیوب بولردن انجیق بری طرفندن مظنون مرقومک مشککیه سکا بر طاغوق آذر یولنده سبق ایدن افاده سی اخبار ایدلمش اولسنه نظراً بوجهت نظر دفته الهرق توسیعی مقتضی تدقیقات نتایجیه کوره کیفیتک حکمه ربطی لازم ایکن محکمه استینافیه جه صورت مشروحیه توفیق معامله لزومندن ذهل ایله برمنوال محرر اتخاذ قرار اولنسی یولسز و مغایر اصول و قانون اولغله اصول محاکمات جزائییه قانوننک اوچیوز اون دردنجی و اوچیوز اون طقوزنجی ماده لری منطوقنجه اعلام میز بهک تقضیله احکام قانونیه دائره سنده ایفای معامله اولنق اوزره اوراق دعوانک

محله اعاده سنه وايكوز غروش اعلام خرجك تعرفه وتعليمات مخصوصه سی موجبجه ايلروده حقسنر چيقان طرفدن استيفاسنه ٢٠ تموز ١٣٣١ تاريخنده متفقاً قرار ويرلدى .

محكمه تميز استعدا دائره سنده صادر اولوب ٢١ تموز ٣٣١ تاريخنده قراره ربط اولئانه اعلام صورتيه .

« زوجه سيله اقامت ايتديكي خانه ده ارتكاب فعل شنيع ايدن زوج حقنده تعقيبات وتديقق اجراسى شكايث سبق ايتمش اولسنه منوطدر »

سوريه ولايتي هيئت اتهاميه سندن تنظيم واعطا قلنان ١٨ نيسان ٣٣١ تاريخلى مضبطه نك تميزاً تدقيقى مستدعى ولايت مذكوره استيناف محكمه سي مدعى عموميلكي جانبندن معطى استدعانايله اوراق متفرعه سي باش مدعى عموميلك مأموريت عليه سندن بتبليغنامه محكمه تميز استدعانايله اوراق متفرعه سي هر نقد مذكور تبليغنامه ده سالف الذكر قرارنامه نك قابل تميز مقرر اادن اولمديني بيانيله ذكر اولنان تميز استدعانايله ردى طلب اولنمقده ايسه ده قرار مذكور صلاحيتي متضمن اولسندن ناشى قابليت تميزيه ي حائر احكامدن معدودينه مبنى مذكور استدعانايله نك بالقبول اساس ماده حقنده تدقيقات تميزيه اجراسنه ابتدار ايدلى .

مذكور مضبطه نك خلاصه مالى زوجه سيله برلكده اقامت ايتديكي خانه ده آخرقادينيله ارتكاب فعل شنيع ايتديكي ادعاقلنان محمود حقنده كى دعوانك شكايتمامه اعطا قلنديني تقديرده تعقيبات قانونيه اجرا قلنمق اوزره دعوانك عدم تعقينه دائر مستنطق جانبندن ويريلن قرارك عندالاعتراض موافقت قانونيه سندن بختله تصديقه قرار ويرلديكنى متضمندر .

لايحه تميزيه ده مزبور نك دائره عاذه سنه وقوعبولان مراجعتى تعقيب دعوايه كافى اولديني حالده هيئت اتهاميه جه بوراسى نظر دقته التمسرين بوجه محرر اتخاذ قرار اولنمى مخالف اصول وقانون ايدوكندن بختله مذكور مضبطه نك تقضى استدعا قلنمش وتبليغنامه ده دخى قرار بميز به صورت قطعيه ده ويرلش قابل تميز مقرر اادن اولمديني بيانيله تميز استدعانايله ردى طلب اولنمدر .

ايجاب كيفيت لى المذاكره قانون جزانك ايكوز رنجى ماده سي علاوه سنده مسطور اولديني اوزره بومقوله افعال، امر تعقيب وتديقق شكايث وقوعنه متوقف مواد جمله سندن اولسنه ودعواى حاضرده ايسه على الاصول شكايث سبق ايتماش بولنسنه نظراً هيئت اتهاميه جه بوجه محرر سالف البيان مستنطق قرارنامه سندن تصديق يولنده اتخاذ اولنان قرار مصيب واسباب موجهيه مستند اولوب عكس صورتى متضمن اولمق اوزره تميزاً درميان ايديلن اعتراض غير وارد كورلديكندن اعتراض مذكور رديله ميز بها مضبطه اتهاميه نك تصديقه ٢١ تموز ٣٣١ تاريخنده متفقاً قرار ويرلدى .

محكمه تميز استعدا دائره سنده صادر اولوب ٨ اغسطس ٣٣١ تاريخنده قراره ربط اولئانه اعلام صورتيه :

« اعشار مديونلرينك خزينه عائد اوراق رشوت مقابلنده تأخير ايتسكه مظنون اولان خزينه دعوى وكيلى اجرتله مستخدم وكلاى دعاويدن اولوب مأمورين حكومتدن معدود اولماديدين دعواسنك رؤيته جهت عدليه صلاحيتداردر »

ديار بكر ولايتي هيئت اتهاميه سي ايله مجلس اداره سندن صادر اولان قرارلرك يكديكرينه مبايئندن ناشى تعيين مرجع دعوى طلبنى حاوى ولايت مذكوره استيناف محكمه سي مدعى عموميلكي جانبندن معطى ٧ حزيران ١٣٣١ تاريخلى استدعانايله اوراق متفرعه سي باش مدعى عموميلك مأموريت عليه سندن بتبليغنامه محكمه تميز استدعا دائره سنه توديع ايدلسكه قرائت اولدى .

اوراق موجوده مندرجاتنه نظراً بعض اعشار مديونلرينك حيز اوراقى آلديني رشوت مقابلنده تأخير ايتديكي ادعاسيله مظنون عليه اولان خزينه دعوى وكيلى ابرانوس افندينك برصفت مأموريتى اولمديني وخزينه دعوى وكيللرى مأمورين دولتن معدود اولمادقلى جهته مومى ايله حقنده تعقيبات اجراسى صلاحيت خارجنده اولديغه مجلس اداره جه ويريلن قرار اوزرينه اوراق دعوى عدليه مستنطقلكنه توديع اولنمش ومستنطقلكنه دخى مومى اليك جنائيله لزوم محاكمه سنه دائر ويريلن قرارنامه نك هيئت اتهاميه جه بالتدقيق وظيفه مأموره لرينه تعلق نقطه نظرندن بوكى مسائلده مأموريندن معدود بولنان دعوى وكيللرى حقنده تحقيقات اجراسى ملكيه انجمنه تاند وظائفندن بولنديني بيانيله قرارنامه مذكورك بالفسخ معامله مقتضيه ايفاسى ايچون اوراقك مذكور انجمنه توديع اولنمق اوزره استيناف مدعى عموميلكنه اعاده سي تحت قراره النمش اولسندن ناشى مقررات مذكوره بيننده شو وجه ايله حاصل اولان اختلافك تعيين مرجع صورتيه حلى طلب اولنمش وتبليغنامه ده دخى خزينه دعوى وكيللرينك تقاعده تابع مأمورين موظفه دن اولمايوب اجير صورتيه استخدام اولندقلى رينه نظراً مأموريندن عدليه اجراى محاكمه لرينه ملكيه جه قرارويرلسنه محل اولمديني ملكيه مجلسجه تحت قراره النمش ايسه ده خدمات عموميه دن وظائف ماليله ايله مكلف اولان مال مأمورينه اضافه بروظيفه رسميه ايفا ايدن خزينه وكيلنك شو خدمت وظيفه اعتباريله مأمورين اداره دن بولنديني دركار اولسنه وقرية مختار واماملرى تقاعده تابع مأمورين موظفه دن اولمادقلى حالده بيله وظائف مأموره لرى اعتباريله مأمورين اداره دن معدود بولنلرينه وبناء عليه خزينه وكيلنك ده اجرتلى وكيل اولمى بوقاعده يه تبعيتدن اخراجنى استلزام ايدميه جكي بديهى بولنسنه نظراً اخذ رشوت ايدرك وظيفه مأموريت رسميه سنى سوء استعمال جرميله مظنون عليه اولان مومى اليك دخى تحت محاكمه يه آلنوب آلتامسى قضيه سنى حلى جهت ملكيه عائد بولنمش اولديغه متدائر عدليه مضبطه سي موافق كورلش اولديني بيانيله ملكيه مضبطه سنى رفى صورتيه اختلاف واقعك حلى طلب اولنمدر .

ایجاب کیفیت لدی المذاکره مظنون علیه ابرانوس افندی اجرته مستخدم وکلای دعاویدن اولوب صنف مأمورین عدادنده بولنامسنه نظراً بوبایده تحقیقات و محاکات اجرانسنک جهت عدلیه عادیتی درکار اولغله اصول محاکات جزائییه قانوننک درتیوز اون سکرنجی ماده سنه توفیقاً دیاربکر ولایتی هیئت اتهامیه سی قرارینک رفعلیه صورت مشروحه دائره سنده ایفای معامله اولنق اوزره اوراق متعلقه سنک هیئت مذکوره یه تودیعی ضمننده محانه اعاده سنه ۸ ایلول ۱۳۳۱ تاریخنده متفقاً قرار ویرلدی .

محکمہ تمیز جزا دائره سی مقراتی

محکمہ تمیز جزا دائره سنده صادر اولاره ۲ اغستوس ۳۳۱ تاریخلی ۲۰۲۴ نومرولو اعلام صورتمیر :

« جبراً ازاله بکر دعواسنده متهم لهنه اولارق قیز طرفندن واقع اولان افادات ایله اشخاص سائر طرفلرندن وقوعبولان اخباراتک مجرمیت قرارنده موضوع بحث ایلمسی لازمدر . »

دکزیل سنجانی بدایت محکمه سی جزا دائره سندن صادر اولان ۱۶ ربیع الاخر ۳۳۳ و ۱۸ شباط ۳۳۰ تاریخلی ویوز یمش سکر نومرولی اعلام ایله اوراق متفرعه سی باش مدعی عمومیلک مأموریت علیه سندن ۲ رمضان ۳۳۳ و ۲ تموز ۳۳۱ تاریخلی وینک بشیوز اوتوز التی نومرولی تبلیغنامه ایله ۱۲ تموز ۳۳۱ تاریخنده محکمه تمیز جزا دائره سنه اعطا قلمشدر .

اعلام مذکورک خلاصه مندرجاتی اوچیوز یکریمی طقوز سنه سی تشرین ثانیسنک اون برنجی کونی غربی قره اغاج قضا سنک یومرو طاش قریه سندن دوراق اوغلی ابراهیم اغا کریمه سی خدیجه نک جبراً قاجریلوب بکرینک ازاله ایلمسندن طولای جنایتله اتهام اولنان قریه مذکوره دن حاجی ابراهیم اوغلی علی عثمان وحاجی عمر اوغلی ولی مخدومی اسماعیلک جنحه مظنونلریله معاً اجرا قلنان محاکمه لری نتیجه سنده متهمان مرقومانک اون یدی یاشنده بولنان مزبوره خدیجه یی جبراً قاجردقلمی و ایچلرندن علی عثمانک فعل شنیع اجراسیله مزبوره نک بکری ازاله ایلدیکی ثابت اولدیغندن علی عثمانک مجرمیتنه واسماعیلک جنحه درجه سنده فاعلیته وعلی عثمانک حرکتنه موافق ایدن قانون جزانک ایکویز انتجی ماده لری احکامنه تطبیقاً بش سنه مدتله کورکه قونلنسنه واسما یلک دخی قانون مذکورک قرق بشنجی ومذکور ایکویز انتجی ماده لری احکامنه تطبیقاً ایکی سنه مدتله حبسنه وضمان بکراوله رق محکمه جه تقدیر ایدیلان اوتوز ایرانک علی عثماندن بالتحصیل مزبورده اعطاسنه وجنحه مظنونلرینک براتلرینه ۲۸ کانون ثانی ۳۳۰ تاریخنده حکم اولندیغندن عبارتدر .

اوراق دعوی مطالعه اولندقدن صکره حکم جنائی حقنده تدقیقات تمیزیه اجرا اولندقدن تبلیغنامه ده دخی بیان اولندیغی اوزره متهم علی عثمان ایله مزبوره خدیجه نک درت سنه دنبرو نشانلی اولدقلمی ومرقوم طرفندن ویریلان آغیرانک مزبوره نک پدری طرفندن آز کورلمسی حسینیه دوکونک دوچار تأخر اولدیغی ومزبوره ایله متهمک متعدد قراده متعدد اشخاصک نزدنده مسافر قالدقلمی وعقد نکاحه توسل ایلدکاری صورت جریان محاکمه دن اکلاشلمش ودوکونه مباشرت ایدیله جکی ونشانلی بولندقلمی حقنده کی ادعاواخبارات مزبوره نک پدری طرفندن ده تصدیق قلمش وافاده استنطاقیه سی قرائت ایدیلان مزبوره خدیجه ده بالرضا کتدیکنی سولش اولسنه نظراً متهمک لهنه اوله رق تحصیل ایدن اشبو احوالک دخی قرار مجرمیتده موضوع بحث وتدقیق اولنسی وشایان قبول کورلمدیکی حالده اسباب تعلیلیه سنک بسط وتمهیدی ومزبوره نک رضایه متدائر اولان افاده استنطاقیه سنک اکراهه مستند بولندیغک نه کی دلائلن استنباط قلندیغک ذکر وتوضیحی مقتضی ایکن ذهول ایلمش اولسی مخالف قانون ومستلزم نقص اولغله اصول محاکات جزائییه قانوننک اوچیوز اون دردنجی ماده سنه توفیقاً حکم مذکورک نقضنه واحکام قانونیه دائره سنده ایفای معامله اولنق اوزره اوراقنک محانه اعاده سنه وایکیوز غروش اعلام خرچنک ایلروده حقسنر حقیقه جق طرفندن تحصیلنه ۲۰ تموز ۳۳۱ تاریخنده متفقاً قرار ویرلدی .

محکمہ تمیز جزا دائره سنده صادر اولاره ۴ اغستوس ۳۳۱ تاریخلی ۲۰۳۶ نومرولو اعلام صورتمیر :

« قتل دعواسنده مندرجاتی محکمه نک استیضاحنه شایان اولان وطیبیک عسکرده اولسی سببیه معلوماتنه مراجعت اولوناماسندن دولای توضیح ایده میهن راپوری هیئت حاکمه نک بالذات تفسیر ایدوب بر هیئت فنییه تودیعی اتمه سی مخالف قانوندر . »

قره حصار صاحب سنجانی بدایت محکمه سی جزا دائره سندن صادر اولان ۲۸ جمادی الاخر سنه ۳۳۳ و ۲۹ نیسان ۳۳۱ تاریخلی وواتوز آلتی نومرولی اعلام ایله متفرعاتی باش مدعی عمومیلک مأموریت علیه سندن نقض طلبی متضمن ۱۱ رمضان ۳۳۳ و ۱۱ تموز ۳۳۱ تاریخلی وینک بشیوز یمش یدی نومرولی تبلیغنامه ایله ۱۶ تموز ۳۳۱ تاریخنده محکمه تمیز جزا دائره سنه اعطا قلمشدر .

اعلام مذکورک خلاصه مندرجاتی اوچیوز یکریمی طقوز سنه سی شباطنک یکرمنجی کونی اوکی والده سی فلک اوغلی حسن زوجیه سی زینبی قتل ایلدیکی ادعا قلمسندن طولای جنایتله اتهام اولنان قریه مذکوره دن حسن مخدومی علینک اجرا قلنان محاکمه سی نتیجه سنده متهم مرقومک اوکی والده سی مزبوره زینبی قتل قصدینه مقرون اولقسزین تله صالح اولیان آتله جرح ایدرک سبب آخرک ترافقیله وفاتنه سببیت ویردیکی ثابت اولغله مجرمیتنه وحرکتنه موافق ایدن قانون جزانک یوز یمش دردنجی ماده سنک صوک فقره سنه وحین

ایقاع جریده اون بش یاشنی اکال ایلدیکی اکلاشدیجی جهته قرقچی ماده سنک فقره مخصوصه توفیقاً مستحق اولدیجی بش سنه کورک جزاسنک ربی اولان اون بش ماه حبسنه و بش سنه ضبطیه نظارتی التده بولندیرلمسنه ۱۳ نیسان ۳۳۱ تاریخده حکم اولندیغندن عبارتدر .

اوراق دعوی بعدالمطالعہ تدقیقات تمیزیه اجرا اولندقدہ تبلیغنامہ ده دخی بیان اولندیجی وجهله آلت قتل اولان و آتش قاریشدیرمغه مخصوص ودمیردن معمول بولنان کورکک شهوده ارأه اولنق اوزره ارسالی حقده یازیلن مذکره یه وارد اولان جوابده مذکور کورکک بولدیریله مدیجی فقط کویلیلرجه پک مستعمل و پک چوق ایدوکی بیلدیلمسنه مبنی مذکور کورکک نوغندن برینک بولدیریلررق ارباب فته ارأه سی صورتیه آلت قاتله دن معدود اولوب اوله میه جنی تعین ایتدیرلمک مقتضی ایکن ذهول اولنسی و مندرجاتی محکمه جهده شایان استیضاح کوریلوب و فقط طبیبک عسکرده اولسی حسیله معلومانه مراجعت اولونامامسندن طولای توضیح ایده میان طبیب راپورینک برهیئت فیه یه تودیعیه مطالعات فیه لری آلمسی لزومه مخالف اوله رق راپورک هیئت محکمه جه تفسیری جهته کیدلمسی و آلت قتل حقده تدقیقات مقتضیه ایفا ایدلامسی مستلزم نقض اسبابدن بولنش اولمغه اصول محاکمات جزائییه قانوننک اوچیوز اون دردنجی ماده سنه توفیقاً اعلام مذکورک نقضه واحکام قانونیه دائره سنده ایفای معامله اولنق اوزره اوراقنک محله اعاده سنه و ایکی یوز غروش اعلام خرجنک ایلروده حقسر چیه جق طرفدن تحصیلنه ۲۳ تموز ۳۳۱ تاریخده متفقاً قرار ویرلدی .

محکمہ تمیز جزا دائره سنده صادر اولده ۴ اغستوس ۳۳۱ تاریخ ۲۰۴۱ نومرولو اعلام صورته در :

« فعل جرحك قتل قصدينه اقترانی بدیهی ایکن هیئت اتهامیه جه جنحه درجه سنده عد ایدیلوب اوپولده اتخاذ قرار اولنسی مخالف قانوندر »

عسکر یوسف اوغلی یوسفی قتل قصدیه جرح ایلدیکی ادعاسیله مظنون علیه اولوب مستنطقه جنایتله لزوم محاکمه سنه قرار ویریلان حکیم علی بن حسینک جنحه ایله لزوم محاکمه سنه قرار ویرلدیکنه دائر آیدین ولایتی هیئت اتهامیه سنندن صادر اولان ۱ حیران ۱۳۳۱ تاریخلی و اوچیوز یتش درت نومرولی مضبطه نك تمیزاً تدقیقی حقده ولایت مذکور استیناف مدعی عمومیلکندن معطی استدعانامه ایله متفرعاتی باش مدعی عمومیلک مأموریت علیه سنندن ۱۵ رمضان ۱۳۳۳ و ۱۵ تموز ۱۳۳۱ تاریخلی و بیک التیوز طقوز نومرولی تبلیغنامه ایله ۱۹ تموز ۱۳۳۱ تاریخده محکمه تمیز جزا دائره سنه اعطا قلمغه بالمطالعہ استدعانامه مذکورک مدت قانونیه سی ظرفده ویرلیدیکی اکلاشلمش و ذکر اولنان تبلیغنامہ ده دخی فعل جرحك قتل قصدينه مقرریتی بدیهی ایکن هیئت اتهامیه جه برمنوال محرر جنحه درجه سنده اتخاذ قرار اولنسی مخالف قانون اولدیغه دائر لایحه تمیزیه ده سرد اولنان اعتراضك صلاحیت قانونیه یی تجاوز صورتیه تقدیر دلائل اولنسی

اعتباریه وارد اولدیغندن بحثله مضبطه مذکورنك نقضی طلب اولنقدہ بولنش ایسه ده مضبطه مذکورہ مظنون علیه جنحه محکمه سنه سوقتی متضمن و محکمه مذکورہ دخی فعلك نوعی حقده اوراده درمیان اولنه جق ادعانك حلی امرنده هیئت اتهامیه قراریه غیر مقید اولدیجی جهته قابل تمیز مقررات قطعیه دن اولماسنه مبنی تدقیقات تمیزیه ایفاسنه محل کوریه مامش اولدیغندن مذکور تمیزاستدعاسنک ردینه ۲۵ تموز ۱۳۳۱ تاریخده متفقاً قرار ویرلدی .

محکمہ تمیز جزا دائره سنده صادر اولده ۸ اغستوس ۱۳۳۱ تاریخ ۲۰۶۴ نومرولو اعلام صورته در :

« معامله جبر و شدت اجراسیله ایقاع ایدیلن سرقتده اثر جرح ظهوری ذات فعلی تشدید ایدن احوالدن اولوب سرقت مذکورنك سرقت موصوفه عد ایدلسنه سبب کافیدر »

جانیک سنجاجی استیناف محکمه سی جزا دائره سنندن تنظیم واعطا قلنان ۲ رمضان ۳۳۲ و ۱۳ تموز ۳۳۰ تاریخی و سکسان نومرولی اعلام ایله اوراق متفرعه سی باش مدعی عمومیلک مأموریت علیه سنندن ۸ رمضان ۳۳۳ و ۸ تموز ۳۳۱ تاریخی و بیک بش یوز الی سکر نومرولی تبلیغنامه ایله ۱۴ تموز ۳۳۱ تاریخده محکمه تمیز جزا دائره سنه تودیع ایدلمکله مطالعه قلندی .

اعلام مذکورک خلاصه مالی بافره قضا سنک زنبیل قریه سنندن قره کولمز اوغلی حامی و عبوس اوغلی طوطوسک انای راهده اوکلرینه چیه رق اچهلرینی اخذ و غصب و بولردن حامی یی جرح ایلدکلری ادعا قلمسندن دولای جنایتله اتهام اولنان و یکنجیک قریه سنندن انستاش اوغلی یکریمی اوچ یاشنده استفان و جانیکلی یوردی قریه سنندن براش اوغلی یکریمی یاشنده لفت و دار بوغاز قریه سنندن خروس اوغلی اون طقوز یاشنده قسطنطین ولدصوانك اجرا قلنان محاکمه لری تیجه سننده متهمون مرقوماندن استفانك مدعیلرک اوکنه چیه رق اشیا و نقودنی اخذ و غصب مقصدیه مدعیلردن حامی یی جرح ایتك صورتیه قتلنه تشبث ایلدیکی و لفتر ایله قسطنطینك معامله جبر و شدت اجراسیله فعل سرقته تشبث ایتدکلری ثابت اولدیغندن اولوجهله بحر میترینه و استفانك قانون جزانك اوتوز برنجی و اوتوز ایکنجی و یوز یتش دردنجی و قرق التنجی ماده لرینه توفیقاً اون سنه مدته کورکه قونلسنه و حقوق مدنی دن اسقاطنه و دیگرلرینك قانون مذکورک قرق بشنجی و قرق آلمنجی و ایکی یوز یکریمی برنجی ماده لرینه تطبیقاً قسطنطینك اوچیوز اوتوز ایکی سنه سی محرمنك بشنجی و لفترک اوچیوز اوتوز بر سنه سی جهادی الاخره سنك التنجی کونلردن اعتباراً تقدیر ایدیلان اوچ سنه کورک جزاسنك ثلثی اولان برر سنه مدته کورکه قونلرینه ۳ تموز ۳۳۱ تاریخده حکم اولندیغندن عبارتدر .

تبلیغنامہ دہ دخی معاملہ جبر و شدت اجراسیله ایقاع ایدیلان سرقتده اثر جرح ظہوری ذات فعلی تشدید ایدن احوالدن بولندیخی و بناء علیہ اجتماع جرائم شکندہ توصیف فعلہ محل قانونی اولیوب فعل مدعاہک بروجه محرر اسباب مشددہ جنائیہی حاوی سرقت موصوفہ اولدیخی بدیہی ایکن محکمہ جسرتک اسباب مشددہ دن عدلیہ اعظم جرم اولق اوزره قبول ایدیلان قتل قصدیله جرحدن تجریم صورتندہ توصیف جرم ایدلمسی احکام قانونیہ منافی اولدیغندن اعلام مذکورک استفانہ عائد قسمنک تقضی و لغت ایلہ قسطنطین حقندہ کی جریان محاکمہ ایلہ جهت تطبیقہ سی حقندہ برکونا اعتراضہ محل کوریلہ مامش اولدیغندن مرقومانہ عائد قسمنک دخی تصدیقی طلب ایدلمشدر .

تدقیقات تمیزیہ اجرا اولندقدہ مرقوموندن لغت و قسطنطین حقلرندہ جریان ایدن محاکمہ ایلہ لاحق اولان حکم اصول و قانونہ موافق بولدیغندن مرقومانہ عائد حکمک متفقہ تصدیقہ و استفان حقندہ تبلیغنامہ دہ درمیان اولنان اعتراض مندرجات اعلام و ضبطنامہ یہ نظراً وارد و مستلزم نقض اسباب قانونیہ مستند بولدیغندن اصول محاکمات جزائیہ قانوننک اوچوز اون دردنجی مادہ سنہ توفیقاً مرقومہ عائد حکمدہ اکثریتلہ نقضہ و احکام قانونیہ دائرہ سنہ ایفای معاملہ اولنق اوزره اوراقلک محلہ اعادہ سنہ و یوز غروش تصدیق خرجنک لغت ایلہ قسطنطیندن و ایکی یوز غروش نقض خرجنک دخی ایلروودہ حقسنز چیقہ جق طرفدن تحصیلہ ۲۱ تموز ۳۳۱ تاریخندہ قرار ویرلدی .

محکمہ تمیزیہ جزا دائرہ سنہ صادر اولانہ ۸ اگستوس ۳۳۱ تاریخلی ۲۰۶۵ نومرولی اعلام صوریتدر :

« محکوم علیہمک اکال مدتله سیلیرینک تخلیه ایدلمسی بعدالنقض تکرار اجرای محاکمہ لرینہ مانع دکلدر »

نیکدہ سنجاغی بدایت محکمہ سی جزا دائرہ سنندن تنظیم واعطا قلنان ۲ نisan ۳۳۱ تاریخلی ویکرمی ایکی نومرولی اعلامک کندوسنہ عائد جہتک تمیزاً تدقیقی حقندہ مخدومی طرفندن معطی استدعانامہ ایلہ متفرعاتی باش مدعی عمومیک مأموریت علیہ سنندن ۷ رمضان ۳۳۳ و ۷ تموز ۳۳۱ تاریخلی ویک بش یوز الی دوت نومرولی تبلیغنامہ ایلہ ۱۴ تموز ۳۳۱ تاریخندہ محکمہ تمیزیہ جزا دائرہ سنہ تودیع ایدلمکله مطالعه قلندی .

اعلام مذکورک خلاصہ مالی یوزغادک چال قریہ سنندن علی کریمہ سی ناجیہ نام دیگر نوریہ یی جبراً قاجیروپ اوزرنده کی نقودینی اخذ و غصب ایلدکلری ادعا قلنمسنندن طولانی جنایتلہ اتمام اولنان اقسرایک جان محلہ سنندن حسن اغا اوغلی علی بابا و علی افندی اوغلی قدوسی و احمد اوغلی ارکلیلی چرکس علینک محکومیتلرینہ دائر مقدما ویریلان اعلام عندالتمیزی نقض ایلہ اعادہ قلنمسی و بونلردن قدوسینک اکال مدتله تخلیه ایدلمسی حسیلہ تکریر محاکمہ سنہ محل اولمذیغنه قرار ویریلہ رک یالکز علی بابا ایلہ چرکس علینک اجرا قلنان محاکمہ

اخیرہ لری نتیجہ سنندہ مزبورہ یی علناً رقص ایتدیردکلری ثابت اولمغله اولوجهلہ فاعلیترینہ و قانون جزانک ایکی یوز ایکنجی مادہ سننک ذیل ثانیسنہ توفیقاً برر ماه مدتله حبس لرینہ ۳۰ مارت ۳۳۱ تاریخندہ حکم اولدیغندن عبارتدر .

مستدعینک لایحہ تمیزیہ سنندہ کرچه محکمہ جسرتک کندوسنک تکریر محاکمہ سنہ محل کوریلہ مدیکی بیان ایدلمش ایسده رفقای محکومہ سننک اجرا قلنان محاکمہ اخیرہ لری نتیجہ سنندہ فاعلرینک جنجہ یہ تنزیلی ایلہ بروجه محرر محکوم ایدلمرینہ نظراً کندوسنک دہ محاکمہ سننک اجراسی حالندہ برائتہ و بوسورت اولمذیخی تقدیرده رفقاسیله معاً بروجه محرر جنجہ درجہ سنندہ محکومیتہ قرار ویریلہ جکی وشو صورتلہ جنایتلہ محکومیتدن خلاص بولہ جکی بدیہی ایکن تکرار جلیلہ محاکمہ سننک اجرا ایدلماسی مغدوریتنی مستلزم اولدیغنه و سائرہ یہ دائر اعتراضات سر دیلہ اعلامک کندوسنہ عائد قسمنک نقضی استدعا قلنمشددر .

تبلیغنامہ دہ دخی مرقوم قدوسینک قرار مذکورہ قارشو حق تمیزی اولدیغندن مذکور تمیزی استدعاسنک ردی طاب ایدلمشدر .

اوراق سائرہ دعوانک دخی مطالعہ سنندن صکرہ مذکور تمیزی استدعانامہ سننک مدت قانونیہ سی ظرفندہ ویرلدیکی اکلاشامش و اعتراض واقع بالتیجہ جنایت حکمنہ قارشو اولمغله مستدعی مرقومک تمیزیہ صلاحیتی درکار اولدیخی جہتلہ تبلیغنامہ محتویاتی غیر وارد بولنمستہ بناء قرار میزبہ حقندہ تدقیقات تمیزیہ اجرا اولندقدہ محکوم علیہمک اکال مدتله تخلیه اولنملری بعدالنقض تکریر محاکمہ لرینہ مانع اولمادینی حالده مستدعی مرقومک اولجہ تملیہ قلنمش اولسی اعتباریلہ بعدالنقض تکریر محاکمہ سنہ محل اولمادیغنه قرار ویرلمسی مخالف قانون و لایحہ تمیزیہ محتویاتی بوسورتلہ وارد و مستلزم نقض اسباب قانونیہ مستند بولدیغندن اصول محاکمات جزائیہ قانوننک اوچوز اون دردنجی مادہ سنہ توفیقاً قرار مذکورک نقضیلہ احکام قانونیہ دائرہ سنندہ ایفای معاملہ اولنق اوزره اوراقلک محلہ اعادہ سنہ و ایکی یوز غروش اعلام خرجنک ایلروودہ حقسنز چیقہ جق طرفدن تحصیلہ ۱۹ تموز ۳۳۱ تاریخندہ متفقاً قرار ویرلدی .

محکمہ تمیزیہ جزا دائرہ سنندہ صادر اولانہ ۸ اگستوس ۳۳۱ تاریخلی ۲۰۷۲ نومرولو اعلام صوریتدر :

« محاکمہ ایچون تعین اولنان کونده هیئت حاکمہ نقصان اولدیغندن محاکمہ یوم آخرہ تعلیق ارنمش اولوبدہ مظلون علیہما کلیہ رک اعتراض استدعالرینک ردینہ قرار ویرلدیکنہ کورہ بونلرک تعلیق محاکمہ دن خبردار اولوب اولمادق لرینی تدقیق لازمدر »

سعد سنجاغی بدایت محکمہ سی جزا دائرہ سنندن تنظیم واعطا قلنان ۱۰ جمادی الاخرہ ۳۳۳ و ۱۱ شباط ۳۳۱ تاریخلی و ایکی نومرولی اعلامک تمیزاً تدقیقی حقندہ محکمہ مذکورہ مدعی عمومی معاونلکندن معطی استدعانامہ ایلہ متفرعاتی باش مدعی عمومیک مأموریت علیہ سنندن ۸ رمضان ۳۳۳ و ۸ تموز ۳۳۱ تاریخلی ویک درتیوز

اللى بش نومرولى تبليغنامه ايله ٢١ تموز ٣٣١ تاريخنده محكمۀ تميز جزا دائره سنه توديع ايدلمش ولدى التدقيق استدعانا مەك مدت قانونيه سى ظرفنده ويرلدىكى اكلا شلمش اولمغه بالقبول اوراق موجوده قرائت اولدى . اعلام مذكورك خلاصۀ مالى شروان قضاسنك شرنو قريه سندن سليم بن خالدك اغنامك كيفيت غصبندن دولاي جنايته اتهام اولنان قريۀ مذكورلى قياد وصيداى بنان حاجى علينك غياباً اجرا قلنان محاكمه لرى نتيجه سنده فعللرينك جنحه يه تنزييله اوچرماه حبسلرينه دائر ويريلاان حكمه مرقومان عدم قناعتله اعتراض ايللى اوزرينه بالمحاكمه تعيين اولنان يوم محاكمه ده عدم ورودلرى حسييله اعتراض على الحكم استدعالرينك رديله حكم مذكورك ابقاسنه ٨ تموز نيسان ٣٣١ تاريخنده حكم اولنديغندن عبارتدر .

مدعى عمومى معاونلكنك لايحه سنده محكمه جه تعيين اولنان كونده محاكمه اجرا ايديله ميوب آخر بركونده اجراى محاكمه ايله معترضلكر كلكلرندن بحثله اعتراض استدعاسنك ردينه قرار ويرلمش ايسه ده معترضلكر يوم محاكمه ده كلوب كلكلرى مجهول بولنديغندن ناملرينه يكيدن جلبنامه تسطير وتسبير ايدلمسى مقتضى ايكن بوجھندن ذھول ايدلمسى مستلزم نقض اولديغندن بحثله اعلامك نقضى استدعا قلمشدر .

تدقيقات تميزيه اجرا اولندقدۀ سالف الذكر تبليغنامه ده دخى بيان اولنديغى وجهله محاكمه ايچون تعيين اولنان كونده هيئت محكمه نقصان اولديغندن محاكمه يوم آخره تعليق اولنهرق يوم مذكورده مظنون عليها كلكلرى جهته اعتراض استدعالرينك ردينه قرار ويرلمش ايسه ده مرقومانك تعليق كيفيتندن خبردار اولوب اولمقدلرى واولجه معين اولان كونده اثبات وجود ايدوب ايتدكلرى خصوصاتى تدقيق اولنماش ولايحه تميزيه ده سرد اولنان اعتراض دخى بوجھتى متضمن اولمى حسييله وارد وبجا كورلمش اولديغندن اصول محاكمات جزائيه قانوننك اوچيوز اون دردنجى واوچيوز اون طقوزنجى ماده لرينه توفيقاً اعلام مذكورك نقصيله احكام قانونيه دائره سنده ايفاي معامله اولنق اوزره اوراقك محله اعاده سنه ٢٦ تموز ٣٣١ تاريخنده متفقاً قرار ويرلدى .

محكمۀ تميز جزا دائره سنده صادر اولده ٨ اغستوس ٣٣١ تاريخى ٢٠٩١ نومرولى اعلام صورتيه :

« مجروحى متعدد محللرندن تهللكلى صورتده جرح صورتيه واقع اولان قتل تشبث قشبت تام درجه سنده اولدينى حالده جرح مذكورك تشبث غير تام صورتده توصيفى مخالف قانوندر »

ملاطيه سنجاغى بدايت محكمه سى جزا دائره سندن صادر اولان ٢١ كانون اول ٣٣١ تاريخلى ويوز يتش اوچ نومرولى اعلام ايله متفرقاتى باش مدعى عمومىك مأموريت عليه سندن ١٨ رمضان ٣٣٣ و ١٨ تموز ٣٣١ تاريخلى وبيك يديوز يكرمى بر نومرولى تبليغنامه ايله ٢٨ تموز ٣٣١ تاريخنده محكمۀ تميز جزا دائره سنده اعطا قلمشدر .

اعلام مذكورك خلاصۀ مالى ملاطيه نك يوقارى بيازى قريه سندن حاجى مقباد بن شيخ احمدى قتل

قصديه وحسن اوغلى غريبي عادياً جرح ايلديكى ادعا قلمسندن طولاي جنايته متهم وغياباً محكوم اولان قريۀ مذكورده دن قاضى اوغلى عبداللهك دردست ايدلمسى اوزرينه اجرا قلنان محاكمه وجاهيه سى نتيجه سنده متهم مرقومك بروجه ادعا مدعيلردن حاجى مقدادى قتل قصديه وغريبي عادياً جرح ايلديكى ثابت اولديغندن اولوجهله وقتل فعلنك تشبث ناقص درجه سنده متشبثى اولنق اوزره مجرميته واعظم جرمى اعتباريله قانون جزانك يوز يتش دردنجى وقرق التنجى ماده لرى احكامنه توفيقاً تشبث ايتديكى قتل فعلى ايچون معين اولان اون بش سنه كورك جزاسنك ثلثانك تنزييله بش سنه مدته كورك قونلسنه ٢١ كانون اول ٣٣٠ تاريخنده حكم اولنديغندن عبارتدر .

اوراق دعوى بعدالمطالعه تدقيقات تميزيه اجرا اولندقدۀ سالف الذكر تبليغنامه ده دخى بيان اولنديغى وجهله مرقوم عبدالله حاجى مقدادى متعدد محللرندن تهللكلى صورتده جرح ايتش وشو صورتله قتله تشبثى تشبث تام درجه سنى بولمش اولمسه نظراً جرمك تشبث ناقص صورتده توصيفيله تطبيق جزا سنده اصابت قانونيه كوريله مامش اولديغندن اعلام مذكورك اصول محاكمات جزائيه قانوننك اوچيوز اون دردنجى ماده سنه توفيقاً نقضنه واحكام قانونيه دائره سنده ايفاي معامله اولنق اوزره اوراقك محله اعاده سنه وايكيوز غروش خرج اعلامك ايلروده حقسز چيقه جق طرفدن تحصيلنه ٣ اغستوس ٣٣١ تاريخنده متفقاً قرار ويرلدى .

محكمۀ تميز جزا دائره سنده صادر اولده ٨ اغستوس ٣٣١ تاريخى ٢٠٩٣ نومرولى اعلام صورتيه :

« طيب راپورنده متهمك فعل شنيع اجرا سنده عدم اقتدارى مصرح اولمسه كوره ايقاعنه مقتدر اولمادىنى فعلى قصد ايدن شخصه اوفلك متشبثى دينلك موافق قانون دكلدر . »

ايدىن سنجاغى بدايت محكمه سى جزا دائره سندن صادر اولان ٩ ربيع الاخر ٣٣٣ و ١١ شباط ٣٣٠ تاريخلى وايكيوز اللى سكر نومرولى اعلام ايله اوراق متفرعه سى باش مدعى عمومىك مأموريت عليه سندن ٢٥ رمضان ٣٣٣ و ٢٥ تموز ٣٣١ تاريخلى وبيك يدى يوز اون ايكي نوولى تبليغنامه ايله ٢٨ تموز ٣٣١ تاريخنده محكمۀ تميز جزا دائره سنده اعطا قلمشدر .

اعلام مذكورك خلاصۀ مالى كوشك ناحيه سنك چفتلك قريه سندن بابوشجى على چوبانى مصطفى على به جبراً فعل شنيع اجرا ايلدكلرى ادعا قلمسندن طولاي جنايته اتهام اولنان قريۀ مذكورده دن قره محمد اوغلى احمدوحاجى يوسف اوغلى ديكر احمدك اجرا قلنان محاكمه لرى نتيجه سنده متهمان مرقوماندن قره محمد اوغلى احمدك اون بش ياشنى اكال ايتماش اولان مرقوم مصطفى على به جبراً فعل شنيع اجرا سنده تصدى ايدوب يد اختيارنده اوليان اسباب مانعك حيلولتيله فعله چيقارمديغى وديكر احمدك ده اولبابده فرعاً ذيمدخل

اولديغى ثابت اولديغىدن قره محمد اوغلى احمدك مجرميته وديكرينك قالميته وقره محمد اوغلى احمدك حركته توافق ايدن قانون جزانك يوز طقسان يدنجي وقرق التنجي وحين ايقاق جرمدى اون سكز ياشنى اكمال ايتامش اولمى جهتيله قرقجى ماده لرى احكامنه توفيقاً تزيلاً تعيين اولان بر بچق سنه كورك جزاسنك نصفى اولان طقوز آى مدته حبسنة ويوسف اوغلى احمدك حين ايقاق جرمدى اون اوچ ياشنى اكمال ايتامش اولمى جهتيله قرقجى ماده قانونيه موجبنجه تمهيدنامه آلهرق وليسنه تسليمه ٤ شباط ٣٣٠ تاريخنده حكم اولديغىدن عبارتدر .

ذكر اولنان تبليغنامه ده دخى اوچ طيبك امضاسيله مضى فنى راپورده متهم مرقومك فعل مذ كورى ايقاعه غير مقتدر اولديغى كوسترليكي حالده محكمه جه بوجهت حقننده مداولة افكار ايدلمى لزومنه قارشو بوكا احالة نظر ايدلماشن اولمى مستلزم نقض احوالدين كورلمش اولغله مذ رر اعلامك نقضى طلب اولمشدر .

اوراق دعوانك مطالعه سندن صكره حكم جنائى حقننده تدقيقات تميزيه اجرا اولندقدى طيب راپورنده متهم قره محمد اوغلى احمدك فعل شنيع اجراسنه غير مقتدر اولديغى كوسترلسنه نظراً ايقاعنه مقتدر اولمادىغى بر فعلى قصد ايدن شخصه اوفعلك متشبثى دينلمك موافق قانون اولهميه جفلك نظر دقه ألهرق اكا كوره اتخاذ قرار ايدلمى ومتهمك فعل شنيعه تشبثى محقق فرض ايدلسه بيله فعل شنيع متشبثلى ايجون جزاى مخصوصى متضمن اولان يوز طقسان سكزنجى ماده ذيل موجود ايكن يوز طقسان يدنجي وقرق التنجي ماده لره تطبيقاً حكم ويرلمى يولسز ومخالف قانون اولديغىدن اصول محاكات جزائيه قانوننك اوچيوز اون دردنجى ماده سى حكمنه توفيقاً حكم جنائى مذ كورك نقضنه واحكام قانونيه دائره سنده ايفاي معامله اولمق اوزره اوراقك محله اعاده سنه وابكيوز غروش اعلام خرجك ايلروده حقسنر چيقه جق طرفدن تحصيلنه ٢ اغستوس ٣٣١ تاريخنده متفقاً قرار ويرلدى .

محكمة تميز جزا دائره سنده صادر اولان ٨ اغستوس ٣٣١ تاريخى ٢٠٩٤ نومرولى اعلام صورتيدر :

« سرقت دعواسنده متهمك جرم مذ كوره جرائى حقننده دلایل ثبوتيه نك باشليجه سى مرقومك تحقيقات استنطاقيه صره سنده واقم اولان اقرارندن عبارت وبواقار دخى ايقاق سرقت ايلديكنه دائر اولمايوب محل سرقت خارجنده ترصدده بولمق صورتيله سرقت اشتراكنه دائر اولديغنه كوره اوكا كوره اعطاي حكم لازمدر »

قرق كليسا سنجاغى استيناف محكمه سندن صادر اولان ٢٩ رجب ٣٣٣ و ٣٠ مايس ٣٣١ تاريخى وبر نومرولى اعلام ايله اوراق متفرعه سى باش مدعى عمومليك مأموريت عليه سندن ١٨ رمضان ٣٣٣ و ١٨ تموز ٣٣١ تاريخنده ١٦٨٧ نومرولى تبليغنامه ايله ٢٥ تموز ٣٣١ تاريخنده محكمه تميز جزا دائره سنده اعطا قلمشدر .

اعلام مذ كورك خلاصه مندرجاتى اوچيوز اوتوز سنه سى ابلولنك يكرمنجى كيجه سى بابا اسكى قصبه سنك واروش محله سندن پنايوط اوغلى بنا كينك دكانك قپوسنى شكست ايله امتعه بقاليه سنى اخذ وسرقت ايلديكى ادعا قلمسندن طولاي جنائيله اتهام اولان قصبه مذ كوره نك حاجى حسن محله سندن ولى اوغلى ولينك محكوميته دائر مقدما صادر اولان اعلام عندا تميز اسباب قانونيه مبنى نقض ايله اعاده قلمسى اوزرينه اخيراً اجرا قلنان محاكمه سى نتيجه سنده متهم مرقومك ليلاً دكانى قپوسى كليدىغى اچق صورتيله فعل سرقت جرائى ثابت اولديغىدن مجرميته وحركته توافق ايدن قانون جزانك ايكيوز يكرمنجى ماده سنه توفيقاً اوچ سنه مدته كورك قونلسنه ٢٥ نيسان ٣٣١ تاريخنده حكم اولديغىدن عبارتدر .

ذكر اولنان تبليغنامه ده دخى مرقومك اقرارى حين ايقاق سرقتده دكان خارجنده بكمه مك ونظارت ايتك صورتيله فعل مدعا به اشتراكنه متدائر اولوب صورت اقراره نظراً فاعل اصليه ايكنجى درجه ده معاونتدن عبارت اولان حركت مبسوطه سندن ناشى فاعل اصلى كى عد وتلقيسيله اكا كوره تعيين مجازات ايدلمى مغاير قانون اولديغىدن بحتله اعلام مذ كورك نقضى طلب اولمشدر .

اوراق دعوانك مطالعه سندن صكره تدقيقات تميزيه اجرا اولندقدى متهم ولينك جرم مذ كوره جرائى حقننده مجرميت قرارنده ذكر اولنان دلائل ثبوتيه نك باشليجه سى مرقومك تحقيقات ابتدائيه واستنطاقيه صره سنده واقع اولان اقرارندن عبارت بولمش واولابده كى محاكمه ضبطنامه سى مندرجاتندن مستبان اولديغى اوزره مرقومك تحقيقات صره سنده واقع اولان اقرارى ايسه ايقاق سرقت ايلديكنه دائر اولمايوب انجق سرقت وقوعبولان دكان خارجنده ترصدده بولمق صورتيله فعل سرقت اشتراك ايتش اولديغنه متدائر كورلمش اولسنة نظراً تبليغنامه محتوياتى وارد وبجا اولغله اصول محاكات جزائيه قانوننك اوچيوز اون دردنجى ماده سنه توفيقاً اعلام اخير مذ كورك دخى نقضنه واحكام قانونيه دائره سنده ايفاي معامله اولمق اوزره اوراقك محله اعاده سنه وايكيوز غروش اعلام خرجك ايلروده حقسنر چيقه جق طرفدن تحصيلنه ٢٨ تموز ٣٣١ تاريخنده متفقاً قرار ويرلدى .

محكمة تميز جزا دائره سنده صادر اولان ٨ اغستوس ٣٣١ تاريخى ٢٠٩٥ نومرولى اعلام صورتيدر :

« جرحك صاحبه لره وقوعه نظر آمر ميلرك قتله صالح اولوب اولديغىك تحقيق ومجرميت قرارنده تصريح ايدلمى لازمدر . »

قونيه ولايتى استيناف محكمه سى جزا دائره سندن صادر اولان ٢٨ جمادى الاخر ٣٣٣ و ٢٩ نيسان ٣٣١ تاريخى وايكيوز اوچ نومرولى اعلام ايله اوراق متفرعه سى باش مدعى عمومليك مأموريت عليه سندن ٢٠ رمضان ٣٣٣ و ٢٠ تموز ٣٣١ تاريخى وبيك يدي يوز اللى ر نومرولى تبليغنامه ايله ٢٨ تموز ٣٣١ تاريخنده محكمه تميز جزا دائره سنده اعطا قلمشدر .

اعلام مذکورک خلاصه مالی اوچیز یکریمی طقوز سنه سی تموزینک یکریمی دردنجی کونی انامور قضا سنک فروزل قریه سندن حاجی موسی اوغلی ولی بن احمدی قتل قصدیه جرح ایلدکری ادعا قلمسندن دولای جنایتله اتهام اولنان ارمناک قضا سنک قرغانجی محله سندن قوجه قفانک ولی اوغلی عمر و فراری سنان اوغلی علینک جنحه مظنونلریله معاً اجرا قلنان محاکمه وجاهیه و غایبه لری نتیجه سنده متهمان مرقومانک قتل قصدیه جرح مذکوره جرأتلری ثابت اولوب انجیق فاعل مستقلی تعیین ایتماش اولدیغندن اولوجهلر مجرمیتلرینه وحرکتلرینه توافق ایدن قانون جزانک یوز یتیش دردنجی و قرق آلتنجی و یوز سکسانجی ماده لرینه توفیقاً قتل ایچون معین اولان اون بشر سنه کورک جزا سنک نصفی اولان یدیشر یجق سنه کورک جزا سنک اوج یجق سنه سی بالتزیل درد رسنه مدته کورکه قونلرینه و جنحه مظنونلری علی و حسینک برر یجق آی مدته حبسلرینه ۱۶ اغستوس ۳۳۰ تاریخنده حکم اولندیغندن عبارتدر .

تبلیغنامه ده دخی مرقوم ولینک اوزاقدن انداخت ایدیلن تفنک صاحبه لرله ارقه سندن اون کونده التیام بوله جق درجه ده مجروح اولدینی راپورده محرر ایدوکنه وائسای منازعه ده متهم عمرک روولورله مسلح اوله رق دیگر اشخاصده تفنک بولندیجی جمله اخبار اتدن اولسنه وکذلک بعدالجرح متهملرک مرقوم ولی بی دردست ایدهرک بشقه جه ضرب ایتمش اولدقلری دخی خبر ویرلسنه نظراً مرقوم ولینک متهملردن عمر طرفندن جرح ایدلش اولدیغنک ادله ثبوتیه سنک قرار مجرمیده بر تفصیل ذکر و توضیحی و مرقوم ولی بی دردست و ضرب و جرح ایتمش اولملرینه کورده جرمک قتل قصدیه ایقاع ایدیکنی مؤید امارات ایله ماده قتل ایقاعه مانع اولان اسبابک نهدن عبارت ایدوکنک بالا طراف تصریحی لازم کلور ایکن ذهول ایدلیدی کورلش و نواقص مسروده مستلزم نقض خطیئاتدن بولمش اولدیغندن بحثله اعلام مذکورک نقضی طلب اولمشدر .

اوراق دعوی بعدالمطالعه حکم جنائی وجاهیدن دولای تدقیقات تمیزیه اجرا اولندقه تبلیغنامه مندرجاتی وارد اولغله برابر جرحک صاحبه ایله وقوعه کلسنه نظراً اشبو صاحبه لره قتل صالح نوعدن اولوب اولدیغنک تحقیق و مجرمیت قرارنده تصریح ایدلامسی دخی مخالف قانون و مستلزم نقض بولندیغندن اصول محاکمات جزائییه قانوننک اوچیز اون دردنجی ماده سنه توفیقاً اعلام مذکورک نقضه و احکام قانونیه دائره سنده ایفای معامله اولنق اوزره اوراقنک محله اعاده سنه وایکیوز غروش اعلام خرجنک ایلروده حقسز چقه جق طرفدن تحصیلنه ۲ اغستوس ۳۳۱ تاریخنده متفقاً قرار ویرلشدر .

شورای دولت مضطربلری

شورای دولت تنظیمات دائره سنک ۳۱۴ نومرولی مضطربلری صور بندر

داخلیه نظارت جلیله سندن تقدیم اولوب شورای دولته حواله بیوریلان ۱۹ مارت ۱۳۳۱ تاریخ والتش بر خصوصی نومرولو تذکره تنظیمات دائره سنده قرائت اولندی .

مذکور تذکره ده مغله بلدییه محلسنجه قانون جزانک ایکی یوز الی یدنجی ماده سنه توفیقاً حکم اولنان جزای تقدیمی مستلزم فعلک تکرری اوزرینه مکرر حقنده ماده مذکوره توفیقاً حبس جزاسی حکم ایدلک اوزره اوراقی مدعی عمومیلکه تودیع قلندیجی حالده حبس جزا سنک تطبیقی جهته کیدلیه رک اوراق اعاده ایدلیدیکی کیفیت منتشا متصرفلغندن و محلی بلدییه ریاستک وقوعبولان مراجعتی اوزرینه شهر امانتندن عدلیه نظارتیه یازیلهرق آلتان جوابده ولایات بلدییه قانوننک قرق اوچنجی ماده سی موجبنجه یالکر قانون جزانک باب ثالثده محرر قبا یجندن امور بلدییه عائد اولنلرک متجاسر لرله تنبیات بلدییه مخالفیت ایدنلر حقنده مجالس بلدییه جه حکم اولنه جق جزای تقدیر قانون جزانک اوتوز یدنجی ماده سنده مذکور اولدینی اوزره مدعی عمومیلر جه حبسه تحویل ایدیله ییلوب فقط ایکی یوز الی یدنجی ماده معدله کی درجه انتهاییه سی اعتباریه جنحه نوعدن معدود اولان وباخصوص حبس جزا سنده تضمن ایدن مواد حقنده مجالس بلدییه دن اعطا ایدیله جک حکملرک خلاف صلاحیت ویرلش اولنق اعتباریه تنفیذ اولنه میه جی و تکرر ده اساس اتخاذ ایدیله میه جکی ییلدی رلیدیکی شهر امانتندن ازار قلمش واولبابده واقع اولان استفسارده نظارت مشارالیه ایدن بویولده جواب ویرلش اولوب عدلیه نظارتیه نظارت بیننده موجب اختلاف اولان مسئله حد اصغری قباح و حد اعظمی جنحه درجه سنده بولنان جزای تقدیرله بلدییه لره قباح درجه سنی تجاوز ایتمک اوزره حکم ایدوب ایدمه جکلرینی و برده مجالس بلدییه لره جنحه درجه سنده جزای تقدیمی حکم ایتمک مآذون اولوب اولدقلرینی تعییندن عبارت اولغله قانون جزانک ایکی یوز الی یدنجی ماده معدله سی کی جزانک حد اصغری سنه نظراً قباح و حد اعظمی سنه نظراً جنحه درجه سنده اولوب جزا اعتباریه بویله ایکی حد آرهنده تداخل ایدن افعالک هر حالده جنحه نوعدن عد ایدیله جکی حقنده قانون جزاده بر قید و صراحتیه تصادف ایدیله مدیکندن و ماده معدله ده بدایه موضوع اولان جزا مجازات تقدیردن عبارت اولوب حبس جزاسی تکرر وقوعنده حکم اولنه جقندن بر جرمک فاعل عادیسی ایله مکرری آرهنده کی فرق ده آشکار بولندیغندن مجالس بلدییه جه ماده مذکوره یه توفیقاً حکم اولنه جق مجازات تکدی ریه نک صلاحیت داخلنده عد ایدلمسی و بناء علیه مدعی عمومیلر جه قانون جزانک اوتوز یدنجی ماده سی موجبنجه حبسه تحویل رلدی الايجاب تکرر ده اساس اتخاذ قلمسی لازم کلهرک

انحی ایکی یوز اللی یدنجی ماده معدله ده تکرر وقوعنده حبس جزاسنک محاکم نظامیه جه حکم اولنسی کیفیت محکمه تمیزک اجتهاد اخیرینه نظراً بالضروره قبول ایدلمش اولدیغندن محل مناقشه اوله میه جنی و مجالس بلدییه نك جنبه درجه سنده جزای نقدی حکم ایدوب ایده میه جکی مسئله سنده کلنجه مجالس بلدییه نك صلاحیت حکمیه سنی تعیین ایدن ولایات بلدییه قانوننک قرق اوچنجی ماده سنده استعمال اولنان قبایح کله سنده باقیله رق مجالس بلدییه نك دائره صلاحیتلری قباحث کله اصطلاحیه سنک جمعی اولیوب علی الاطلاق افعال ممنوعه و مذمومه معناسنه اولان قبیحه نك جمعی بولندیغندن نته کیم قانون جزانک باب ثالثی ده الیوم جنبه درجه سنده جزای محتوی اولدینی حالده سرلوحه سنده موجود اولان قبایح کله سی ده عین معناده استعمال ایدلمش اولدیغندن ماده مذکوره دوائر بلدییه نك دائره صلاحیتی قباحث درجه سیله تقیید ایتکه امکان برافیه جنی درکار و علی الخصوص قانون جزانک باب ثالثی ده بعض موادک واز جمله ایکی یوز اللی یدنجی ماده نك تعدیلی و اولجه موضوع مجازاتک تزییدی وظائف بلدییه بی دهامشر بر قوه تأییدییه مظهر قیلمق مقصدینه مبتنی اولدینی حالده عدلیه نظارتجه اداره بلدییه نك صلاحیتی تقیید و نفوذینی اسکینسندن دها زیاده تحدید ایدمک طرزده تلقیسی روح تعدیل بالکلیه مغایر اوله جنی بیانیه نظارت مشارالیه باعث اختلاف اولان و درسمادت بلدییه قانونیه ولایات بلدییه قانوننک اون التنجی و قرق اوچنجی ماده لرینک تفسیرینه تعلق ایدن شو مسئله نك شورای دولتیجه تدقیق لزومی درمیان قلمشدر .

ایجابی لدی التأمل صورت اشعاره نظراً تدقیق وحلی لازمکن نقاط اولاً قانوناً معین جزاسی حد اصغری اعتباریه قباحث واعظمنه کوره دخی جنبه درجه سنده بولنان افعال جرمیه حقنده قباحث حدودینی تجاوز ایتماک اوزره جزای نقدی حکمنه مجالس بلدییه نك مأذون اولوب اولدینی ثانیاً موضوع بحث و اختلاف اولان ایکی یوز اللی یدنجی ماده نك صورت معدله سی کبی تضمن ایتدیکی مجازاتک حد اقلنه نظراً قیامندن وحد اعظمنه کوره دخی جنبه دن معدود اولان مواد جزائییه نك صورت مطلقه ده اوله رق جنبه درجه سنده حد ایدلمسی لازم کلوب کلبه جکی مسئله لریدر قباحثی تعریف ایدن قانون جزانک بشنجی ماده سنده [قباحث معامله] تکریرییه استلزام ایدن افعال و حرکاتدر معامله تکریرییه بکرمی درت ساعتدن برهفته یه قدر حبس و نهایت یوز غروش مجازات تقدیه در [دینلمسنه نظراً مجازات موضوعه سی برهفته حبسی ویا یوز غروش جزای نقدی بی تجاوز ایدن افعال ممنوعه نك محضاً مجازات مذکوره نك حد اصغریسنه باقهرق قباحث نوعندن حد ایدلمسی صراحت قانونیه مغایر دوشر و مسلم اولان قواعد نظریه ایجابجده بر جرمک درجات ثلثه قانونیه دن هانکیسنه منسوب اولدینی اوجرم حقنده معین مجازاتک نهایت درجه سنه کوره تعیین ایدلمک لازم کلیر اوچنجی باب تحتنده جمع و ترتیب ایدلمش اولان افعال جرمیه نك مجازاتلری قانون جزانک ابتدای وضعنده قباحث جزالری حدودینی غیرمتجاوز اولدینی باب مزبورک شکل قدیمک تدقیقندن نمایان اولوب شو حالده بالآخره تحقیق ایدن لزومه بناءً باب مزبوره داخل ایکی یوز اللی التنجی و موضوع بحث ایکی یوز اللی یدنجی ماده لرده

معین جزالری تشدیدیه قباحث حدودینی تجاوز ایتدکری حالده مواد مزبوره نك جنبه جرائمه مخصوص فصولدن برینه نقل ایدلماسنه و کذلک درجه اعظمیه سی برسنه حبس جزاسنه منتهی اولان ۲۹ مارت ۱۳۳۰ تاریخلی ذیلک مناسبت نوعیه اعتباریه باب ثالث تحتنده درج ایدلمسی مواد مذکوره کی مجازاتک قباحث نوعندن عدینی استلزام ایدمزر برده درجات جرمک یا صراحة ویا مجازات موضوعه نك درجه سی اعتباریه دلالة تعیینی قوه قانونیه عائد صلاحیات جمله سندن اولدینی حالده قوه عدلیه طرفندن ترتیب ایدیه جک مجازاتک درجه سنه کوره بر جرمی کاه قباحث درجه سنده کاهی ده جنبه درجه سنده حد و تلقی ایتک قوه قانونیه صلاحیتنه قوه عدلیه یی دخی اشتراک ایتدیرمک محذوری تولید ایدر بوایسه اصول مشروطیتک قواعد اساسیه سنه مغایردر .

قباحث کله سنک مدلولی قانوناً معلوم و معرف اولدینی حالده بونک جمعی اولان قبایحی افعال مذمومه معناسنده اولان قبیحه کله سنک جمعی اوله رق استعمال ایدلکیکندن بحثله قباحثی درجات ثلثه قانونیه نك عمومیه شامل حد ایتک ایچون هیچ بر سبب قانونی کوریه مدیکندن بو بابده کی ملاحظه بالکلیه جوابدن مستغنیدر . ایکی یوز اللی یدنجی ماده نك احتوا ایتدیکی مجازاتک تشدید و وظائف بلدییه بی دهامشر بر قوه تأییدییه مظهر قیلمق مقصدینه معطوف اولدینی حالده ماده معدله ده معین مجازاتی صورت مطلقه ده جنبه مجازاتندن حد ایدرک مجالس بلدییه بی امر تطبیقندن منع ایتک روح تعدیل مغایر دوشه جکی حقنده کی مطالعیه کلنجه صراحت قانونیه ایله قابل امتزاج اولدقجه مقصد تعدیل کوره تفسیر احکامه اصولاً وقاعده امکان جواز اولدینی کبی مذکور ایکی یوز اللی یدنجی ماده قانونیه آنحی احتوا ایتدیکی جرائم حقنده معین مجازاتک منع نواهی بی تأمین غیرکافی اولمسندن طولای تزیید و تشدید مقصدیه تعدیل ایدلمش و بو صورتله ده تعقیب اولنان مقصد تأمین اولنش بولندیغندن صورت تلقینک روح تعدیل عدم توافقه متعلق ملاحظه دخی غیر وارددر . نتیجه ابضاحات اسباب مشروحه دن مستبان اولدینی اوزره موضوع بحث و اختلاف اولان ایکی یوز اللی یدنجی ماده معدله ایله امثالی کبی تضمن ایتدیکی مجازاتک حد اقلنه نظراً قباحث وحد اعظمنه کوره دخی جنبه حد اولنان افعال ممنوعه درجه قانونیه اعتباریه صورت مطلقه ده جنبه دن معدود اولدینی کبی قانوناً معین جزاسی حد اصغری اعتباریه قباحث وحد اعظمنه کوره دخی جنبه درجه سنده بولنان مذکور ایکی یوز اللی یدنجی ماده موجبجه قباحث حدودینی تجاوز ایتماک اوزره دخی جزای نقدی حکمنه مجالس بلدییه مأذون و صلاحیتدار اولیوب خلاف صلاحیت ویرلمش اولان حکمکر دخی لازم التفیذ اوله میه جفندن و عدلیه نظارتک صورت اشعاری وجهله تکرره اساس دخی تشکیل ایدمیه جکندن اولوجهله نظارت مشارالیه به تبلیغ کیفیت اولنسی تذکر قلندی اولبابده .

هیئت عمومیہ دن یازیلان ذیلک صورتیدر

تنظیمات دائرہ سنک اشبو مضبطہ سی ہیئت عمومیہ ده قرائت اولندی . دائرہ مشارالہا جه اتخاذ اولنان قرار
مضیب کورلش اولغله اولوجهله ایفای مقتضاسنک داخلیه وعدلیه نظارتلرینه تبلیغی تذکر قلندی اولبابده .

۳۰ شعبان ۱۳۳۳ ۳۰ خیران ۱۳۳۱



مندرجات

۲۰ ایلول — ۱۳۳۱

قسم رسمی

صحیفه
نومروسی

- | | |
|-------------------|--|
| ۵ اگستوس ۳۳۱ ۶۹۴۳ | (۱) — |
| ۶ ایلول » » | (۲) |
| ۱۰ ایلول » ۶۹۴۴ | (۳) |
| ۲۶ اگستوس » ۶۹۴۶ | (۱) — سفر برلکده ارکان وامرا وضابطان
ومنسویین عسکریه عائله لرینه تعرض
ایدنلر حقنده |
| ۳۱ » » ۶۹۴۶ | (۲) — سلاح آلتنه آلتان مأمورین معاشاتی
حقنده |
| ۳ ایلول ۳۳۱ ۶۹۴۷ | (۳) — قانون جزانک ایکی یوز آلتنجی ماده سی
حقنده |
| ۳ » » ۶۹۴۸ | (۴) — دول محاصمه و متقلری تبعه سی حقنده |

نومبریات عدلیه

»
»

قوانین و نظامات

»
»

»
»

»
»

محکمہ تمیز مقومہ دائرہ سی مقرانی — (۱) میز لک را پوریلہ حکم او انہ مامسی حقندہ ۱۵ کانون اول ۳۳۰ ۶۹۴۸

(۲) وصی وو کیلک صغار علیہندہ کی اقرار لری حقندہ ۵ کانون ثانی ۶۹۵۰

(۳) محکمہ جہ میرز جکرہ، سند عادی نظریلہ باقیلا مایہ جنی حقندہ ۱ شباط ۳۳۰ ۶۹۵۳

محکمہ تمیز استدعا دائرہ سی مقرانی — (۱) تصحیح سن مدعی سنک اقامہ ایده جکی شہودک اسماعی لزومی حقندہ ۱۱ اغستوس ۳۳۱ ۶۹۵۴

(۲) تصحیح سن وقید معاملاتنہ متعلق دعوالرک مراجع رؤیی حقندہ ۱۲ ۶۹۵۵

(۳) برکیمسہ نک حیوانک ہلاکنہ سبب اولانلر حقندہ ۱۵ ۶۹۵۶

(۴) بدایت محکمہ سندہ حکم قطعی بہ اقران ایدن ذات دعوا اوراقتک محکمہ بدایتہ تودیی نک عدم جوازی حقندہ ۱۷ ۶۹۵۷

(۵) افراد سکریہ نک سفر برلک اثناسندہ وظیفہ امورہ لرندن دولای ایقاع ایستدیک جراثمک مراجع تدقیق حقندہ ۱۸ ۶۹۵۸

(۶) عین جرمندن دولای محکوم و دوچار جزا اولانک تکرار او جرمندن دولای جزایہ محکوم ایملسی مخالف قانون اولدوغی حقندہ ۲۲ ۶۹۵۹

(۷) میری اورمانندن اشجار احراق ایدنلر حقندہ ۲۲ تموز ۳۳۱ ۶۹۶۱

محکمہ تمیز جزا دائرہ سی مقرانی — (۱) جنجہ افعالنہ تعیین جزانک اکثریت ارایہ تابعیتی حقندہ ۱۸ اغستوس ۶۹۶۲

(۲) انشاءآت ملندن محبوسینک فراری جرمدر ۳۰ ۶۹۶۳

— (۳) محکومیت، اہلیت جزایشہ نک تقدانندن دولای اصلاح نفس حبسنہ تحویل ایلدیکنہ کورہ بومحکومیت تکررہ اساس اولہماز ۳۰ ۶۹۶۴